

醫

碕

王金壇先生証治準繩贈友人
口予友何西池稱爲近代醫書
之冠慮其奧博難讀因作醫礪
以羽翼之其書文約而義該深
入而顯出當與準繩並傳無疑

蓋皆以文學名儒而發軒岐之
秘宜其足以行遠也獨是金壇
老作準繩也以罷黜而西池之
作醫碁也以幽憂之疾倘所謂
窮愁著書者非耶因念西池少
時妻子僕婢財十數人有田數

十畝足供餽粥意興甚豪酒後
耳熱縱談古今世事燭屢跋不
肯休又嘗與予極論西曆平弧
三角八綫等法及填詞度曲之
理片言印合欣然起舞初不知
人世有窮愁事一行作吏田園

荒蕪而食指且半千於是引疾
里居懸壺自給曩時豪興索然
矣予嘗過其家老屋數椽僅蔽
風雨琴囊藥裏外無長物有數
歲兒破衣木履得得晴階間遽
前揖人婉孌可愛問之則其孫

阿黃也予謂西池同年中惟君
與孔兼容能醫又皆工詩而其
窮亦相若兼容自宜春解組歸
爲小兒醫日獲百錢卽彈琴歌
商浩浩自得豈醫與詩皆能窮
人耶抑廉吏固不可爲耶今兼

容補官有日矣西池尙高臥不起窺其意似欲以醫終老者然則貧固其所甘而窮愁著書又其所樂者矣或曰多文爲富西池嘗舉鴻博著述追步金壇何富如之是編又繼準繩行世可

以不朽視富貴利達朝榮夕萎
者所得孰多宜西池不以彼易
此也噫知言哉

賜進士出身翰林院檢討加一
級前翰林院漢書庶吉士壬子
科鄉試福建文闈同考官已酉

科解元年眷弟辛昌五頓首拜
撰

自序

文以載道醫雖小道亦道也則
醫書亦載道之車也顧其文繁
而義晦讀者卒末易得其指歸
初學苦之瑤少多病失學於聖
賢大道無所得雅不欲為浮靡

之辭以貽虛車誚因念道之大
者以治心其次以治身莊子曰
哀莫大於心死而身死次之醫
所以治身也身死則心無所寄
固小道中之大者爰取少日所
誦岐黃家言芟其繁蕪疏其湮

鬱叅以已見泐為一書用以階
梯初學非敢謂是載道之車歆
使升車者藉此以登如履礧石
云耳故以礧名編或曰方今景
岳全書盛行桂附之烈等於崑
岡子作焦頭爛額客數矣人咸

謂子非醫病寔醫是書出其時
醫之藥石歟碕當作砭予笑而
不敢言

乾隆十六年歲次辛未季春望日南
海何夢瑤書于樂只堂



予友何君西池年三十八始成進士其成晚故得博通諸藝能醫尤其篤嗜而專精者也然自其爲諸生時卽文名藉甚學士惠公稱爲南海明珠於是西池之見知於人者獨著於詩文餘技遂爲所掩已酉選拔策詢水利西池以醫喻娓娓且千言學士顧

公亟賞之拔置第一予亦與選得讀其文然後知西池之旁通於醫而猶未悉其妙也西池聯捷後尋觀政西粵歷宰義寧陽朔岑溪思恩諸邑遷牧遼陽則又但以善政聞然其在思恩也癘疫流行西池廣施方藥飲者輒起制府策公下其方於郡邑存活

甚衆遼陽民王洪病風年餘狂易多
力投人秣火中焦爛無完膚傳以藥
數日愈於是西池坐廳事呼伍伯縛
王洪庭柱間洪且詈且歌州人聚觀
如堵西池先威以刑令怖懼旋予湯
液兩人持耳灌之有頃暴吐下其病
遽失人咸驚爲神嗣是西池之醫遂

稍稍著矣庚午夏予內子病兩月不
少間諸醫皆束手已治木矣適西池
請告歸里亟延診先後處太承氣白
虎小柴胡數十劑效若桴鼓予謂西
池諸醫皆言陽虛宜扶陽非參附勿
用子獨反之何也曰此非粗工所知
且此輩妄引易義動言扶陽抑陰夫

易陽君子陰小人故當扶抑醫言陰陽俱氣耳氣非正則邪正虛無論陰陽均當扶邪勝無論寒熱均當抑何得牽西補東取人以溫補爲起死回生而不識熱伏于內而妄投桂附竟不明其悞服殺人而承氣湯大黃朴硝卽回陽之上品故能扶補瀉初無

定名蓋視病之寒熱以爲去留今不
問何証概從溫補何異懲溺一水趨
火滅不亦惑乎又曰醫有所偏黠庸
醫不知溫補之能殺人也以爲平穩
而用之黠醫知溫補之能殺人而人
不怨以爲可以藏拙而用之於是景
岳書徒徧天下而河間丹溪之學絕

矣距邪閑正吾能已乎西池之言若
此然則西池之醫之著於天下也所
繫固不少矣西池所輯醫書凡數種
向欲梓以問世而不名一錢此編乃
朋好所醵刻先行者工竣命予弁其
端予惟西池自序簡括精妙無可復
益聊綴拾其言論案驗之未著於篇

著告諸世使知西池之所長不獨在
文章政事間而衆著之以嘉惠天下
也是爲序

賜進士出身截選知縣年眷同學弟
趙林臨拜識

凡例

一論証須明其所以然則所當然者不言而喻茲集務窮其源

政論証詳而繫方畧

如怒太息等篇係不繫一方但明其理明方在其中如必欲考古人成法於畢

繩等書檢求可也

一論中所引古人成說欲令讀者易曉不無修飾之處卽非古人原文故多不著其名氏非掠美也諒之

一議論多出臆見間與古人牴牾不避不敏求正有道幸恕狂瞽

一河間言暑火乃與仲景論風寒對講丹溪言陰虛乃與東垣論陽虛對講皆以補前人所未備非偏執也後人動議劉朱

偏用寒涼矯以溫補立論過當遂開酷烈之門今日佳附之
毒等於刀鋸夢瑤目覩時弊不得不救正其失初非偏執讀
者幸勿以辭害意

一是集宦遊所作自粵西而遠左十餘年來風鷁烟江霜輪沙
磧偶有所得隨付小史錄之以故體裁無定亦欲改從畫一
而多事倉卒未能也

一論目方目各下註頁數而方目之前復冠以門目兩頁下註
方目頁數使先得方目頁數而後查諸方頁數皆以便檢尋
也

一諸方有在論外者

如關格門方全在論外蟲門
以蟲積二方在論外是也

儉方目卽得

論中主治諸方隸別門者註明見某門字樣其不註者卽本門方或雖隸別門而一篇之中重出數見亦但于首見者註之餘不復註

一方下例繫主治以著本方之功卽以明用藥之理

知某藥爲某病設也

凡品味麗雜者必所治之証不一丹溪所謂雜合之病須用雜合之藥治之也本宜備錄以較板力細刪之用方者當因

病加減更詳考原方主治爲佳

諸方多從準繩錄入按門索之

一藥品分兩輕重古今不同炮製亦異當酌宜用之

一此書止論雜証尙有傷寒論近言婦科輯要、幼科輯要、痘疹輯要、本草韻語、針灸吹雲集等書俟續刻呈教

五卷四診幸思思時輯以教邑醫者本自爲一書今附醫確之末頗多改竄與舊本岐出當以今刻爲定

醫確目錄

卷一

藏府說一

心包絡三焦說四

五藏配五行八卦說五

水火說五

命門說八

五藏生剋說十

五邪說十四

十二經配三陰三陽說十五

經絡考見針灸吹雲集

六氣說十六

六氣後論十七

運氣說十九

虛實寒熱說十九

補瀉論 二十

反治論 二十二

標本說 二十三

表裏論 二十五

陰陽論 二十

夏月伏陰辨 二十九

氣 三十

血 三十五

發熱 五十三

潮熱 六十

惡寒 戰慄 六十一

寒熱 六十四

諸中總論 六十七

中風 六十九

中寒 八十一

中暑 八十二

中濕 八十三

中氣 八十四

中食 八十四

中惡 鬼擊尸症 八十五

卷二

傷風寒

鼻淵

破傷風

二

傷暑

三

傷濕

八

傷燥

十

春溫

溫瘧

風溫

溫毒

濕溫

十一

瘟疫

十四

瘧

似瘧非瘧

三十

咳嗽

三十九

喘哮

四十四

短氣少氣

四十八

噎氣

四十九

呃逆

四十九

欠噎

五十

傷飲食

五十二

不能食

五十七

勞倦傷 五十八

虛損癆瘵 六十五

火 七十一

鬱 七十四

痰 飲 七十七

痞滿 胸痺 痞塊 八十八

積聚 八十九

蟲 九十五

中毒 九十八

卷三

腫脹 一

黃疸 九

消渴 尋常渴 十三

痿 注夏 十八

肺痿肺癰 二十二

痺 府木 二十五

瘰 二十九

汗 二十一

嘔吐 噦 惡心 三十六

反胃噎膈 四十

霍亂 四十一

泄瀉 四十七

腸鳴 五十一

痢 似痢非痢 刮腸 痢後風 五十二

大便不通 六十一

大小便不通 六十一

小便不通 轉胞 六十三

淋 似淋非淋 胞痺 六十六

小便數 六十九

遺尿小便不禁 七十

小便黃赤 七十一

交腸 七十一

關格 七十二

頭痛

頭風 頭重 雷頭風

肩稜骨痛

大頭痛

項強痛

七十五

頭搖

眩暈

八十

胸痛

八十二

心痛

心包絡痛

胃脘痛

八十三

胃痛

胃脘痛

腹痛

少腹痛

八十六

腰痛

八十九

脇肋痛

九十二

背脊強痛

有脾痛

九十一

身體痛

拘急

九十四

臂痛

腋腫

九十三

耳痛

九十七

耳聾

九十八

面痛

頰車蹉

九十五

口四

口四

口四

口四

口四

口四

卷四

鼻一

鼻一

鼻一

鼻一

鼻一

鼻一

鼻一

鼻一

鼻一

鼻一

鼻一

鼻一

鼻一

鼻一

鼻一

鼻一

鼻一

鼻一

鼻一

鼻一

舌

咽喉 諸物哽疾 十三

瘡 二十一

皮毛鬚髮肌肉筋骨四肢二陰 二十三

厥逆 二十九 變 三十二

抽搐 卽痲痺 三十三 顫振 三十四

脚氣 酒風脚 腿腕紫 脚眼注孔 三十五

赤白濁 三十八 遺精 四十

陰痿 四十三 陰縮陰縱 四十四

疝 木腎 小腸氣 膀胱氣 偏墜 莖囊痒

脫肛 五十 穀道痒痛 五十一

怒 五十一

太息 五十二

喜笑不休 五十二

悲 五十二

驚 五十三

悸 卽怔忡 五十四

恐 五十五

健忘 五十六

煩躁 五十

嘈雜 五十八

不得卧 五十九

多卧 五十九

狂癲癰 六十

卷五

四診

一望色

察面

察耳 五

察唇齒 六

察身 九

一聞聲 十一

一問証

問寒熱 十二

問飲食 十六

問汗液及血 十八

問証見先後 十九

察目 四

察鼻 五

察舌 七

察手足 十

問頭身 十三

問二便 十八

問晝夜輕重 十九

問七情 十九

一切脈

脈之部位 二十

脈之形體 二十五

脈之行動 二十八

脈之歇止 三十一

脈配四時五藏 三十

脈無胃氣則死 三十五

各脈主病 三十七

人迎氣口 四十六

男女脈同異 四十六

胎孕脈 四十七

脈有順逆 四十八

脈証從舍 五十一

南北政辨 五十一

奇經切法 五十二

附樂只堂診病單 五十四

門目

方目

諸方上

補遺

卷七

門目

方目

諸方下

方後附錄

七方
煎藥用水歌

服藥法則

醫偏卷之一

南海何夢瑤報之

雜症

○藏府說

喉在咽前其系堅空連接肺本爲氣息之路呼吸出入由肺橐
籥肺居胸上覆諸藏府故稱華蓋虛如蜂巢下無透竅吸氣則
滿呼氣則虛肺氣上通鼻竅諸肺開竅于鼻也肺下爲心匕
有系絡上系于肺心中有竅名肺不同心氣上通于舌故謂心
開竅于舌按舌之腠理即竅也此病式註云舌知味不可云無
竅但細微不似耳目等藏之大耳故守眞曰玄微府
也藏府皮毛骨肉筋膜無處不有乃氣出入升降之門路
以此推之則心竅在舌可默會矣若泥耳目等竅求之固矣心外

有心包絡卽膻中也形如仰盂以包裹此心使邪不能犯犯者包絡當之若犯至心卽死矣脾胃肝胆腎膀胱各有一系系于包絡之旁以通于心此三者皆在膈上膈者膈也有膜與脊脇周廻相著遮藏膈下濁氣使不得上熏心肺膈膜之下爲肝肝氣上通于目故諸肝開竅于目肝葉中有胆胆中有汁藏而不瀉以上肺心心包絡肝胆皆從喉之一路而下者也咽在喉後咽系系空下接胃本爲飲食之路水穀由此入胃與喉之氣道不相犯蓋喉竅有一會膈覆之如皮如膜發聲則開熏食則閉故水穀下咽了不犯喉若當食而發聲則會膈忽開食錯入喉喉不容物遂噎而出矣胃在膈膜之下其上之左有脾形如刀

鍊能動而磨食使消化脾氣上通于口故謂脾開竅于口也胃
之下口連小腸小腸後附脊脊前附膈之上左環周迴疊積共
二十六曲小腸之下口左接大腸亦名迴腸當膈左迴周迴疊積亦盤
十六曲其下爲廣腸附脊左環疊積其下名直腸出肛門爲糞
道廣腸即大腸下節之與大腸又廣腸之末節耳廣腸之左側爲膀胱膀胱上無竅
止有下口出尿飲食入胃得脾消運其精華之氣上升于肺肺
布之周身以充血液其餘下入小腸小腸受三焦之氣化泌別
清濁糟粕趨大腸以出水飲滲入膀胱小腸與膀胱皆無竅相通而得氣運化腠理
可以爲尿以出此全賴三焦氣化施行若氣不施化則閉塞不
通而病矣已上脾胃小腸大腸膀胱皆從咽之一路而下者也

腎有兩形如豆左右相對而附于脊各有二系上系系于心下
系系于脊腎氣上通于耳故謂腎開竅于耳也 心肺脾肝腎
爲五藏藏者藏也所藏惟精氣藏而不瀉者也胆胃大小腸膀
胱爲府府如庫之貯物胆所貯者汁亦藏而不瀉餘所貯者水
穀則瀉而不藏雖有瀉不瀉之殊而均有所貯則均謂之府俱
胆所貯者乃精汁與水穀之滓穢不同故胆獨名爲清淨之府
也心屬火腎屬水肝屬木肺屬金脾屬土而小腸與心經脉相
連故從心屬火膀胱與腎經脉相連故從腎屬水胆與肝經脉
相連故從肝屬木大腸與肺經脉相連故從肺屬金胃與脾經
脉相連故從脾屬土而藏屬陰則配乙丁巳癸辛之陰于故肝

精乙木心稱了火脾稱已土腎稱癸水肺稱辛金府為陽則配
早而戊庚王之陽干故胆稱甲木小腸稱丙火胃稱戊土大腸
稱庚金膀胱稱壬水也 五藏五府兩其五行而為十干止矣
而益以心包絡與三焦為十二何也此千古所未明而不可不
言者說見後篇

○心包絡三焦說

心包絡難經謂其無形然考內經論十二官無心包絡之名而
有膻中之號蓋膻中乃心之窩心藏窩中若包裹然則膻中固
即心包絡非無形也三焦經謂上焦如霧上焦膈已上也清
焦如漚中焦膈下膈上也水下焦如瀆下焦膀胱已下也便
瀆之區停留如瀆亦朱

言其形狀論者紛紛皆如捕風捉影毫無實指惟張景岳謂即

腔子藏府如物腔子如囊之括物人但知物之爲物而不知囊

之亦爲一物其說甚通古謂三焦有名無形者蓋指腔子內藏府外之空際言乃三焦火氣遊行之處

也子因是而思人之藏府止有十而以心爲君餘爲臣三焦即

腔子竊謂焦當作椎人身脊骨二十一椎上焦乃上七椎中焦乃中七椎下焦乃下七椎也椎別作焦耳觀靈樞背腧篇

五七九十一十四各推供作焦可見如京城君臣所同居也心包絡即腹中如宮

城君所獨居也宮城在內京城在外內爲陰外爲陽故三焦亦

稱府而心包絡亦稱藏耳三焦既即腔子則爲有形有形則有

經脈凡腔子中之經脈但不分地立名難于指稱故將其與各

藏府絡系者分屬所絡系之藏府名曰某藏某府經脈而以其

無所承屬者名三焦經脉猶之九州之地皆王土而除分封諸侯外餘爲王畿耳心包經脉亦三焦經脉之絡系于胎中者所分屬爲十二經也

奇經人脉亦卽三焦經脉另立名曰分出如王畿內有公卿大天采地也

○五藏配五行八卦說

心肺位居膈上而肺尤高天之分也故屬乾金肝腎位下而腎尤下爲黃泉之分故屬坎水坎外陰而內陽陽氣潛藏于黃泉之中靜極復動故冬至而一陽生驚蟄而雷出于地腎水得命門之火所蒸化氣以上肝受之而升騰故肝于時爲春于象爲木于卦爲震雷與風肝之怒而氣盛如之陽氣上升至心而盛陽盛則爲火故心屬火於卦爲離離南方之卦也聖人向明而治心居肺

下乾卦之九五也實爲君主神明出焉離乾中畫之變也兌乾
上畫之變也肺居心上乾之上畫也上畫變而爲兌於時爲秋
于象爲金金性沉降秋氣歛肅陽氣升極而降由肺而降故肺
又屬兌金心火上炎腎水下潤坎離之定位也火在上而下降水
在下而上升坎離之交媾也腎水上升由肝木之振
引地道左旋而上于天也心火下降由
肺金之歛抑天道右旋而入于地也脾藏居中爲上下升降
之樞紐飲食入胃脾爲行運其氣于上下內外猶土之布化于
四時故屬土于卦爲坤爲艮金木土皆配兩卦而水火各主一
卦故王行惟水火之用爲獨專也

○水火說

男女媾精以成胎精卽水也精中之氣卽火也水火精氣妙合

而凝是爲胎元精以成形氣以成神以其原於父母故曰先天
然五官百骸皆本此精以爲質而無非此水所灌充也呼吸運
動皆本此氣以爲機而無非此火所流行也其獨指腎爲先天
者則以精氣先結胞胎中起一莖形如蓮蕊一莖卽臍帶也蓮
蕊卽兩腎也兩腎爲水命門之火寓焉一陽藏于二陰之中於
卦爲坎以藏府之始結在此故獨以腎中水火爲先天也先天
水足則兒肥盛而潤澤火足則兒強健而精明水得火則氣常
溫而不至於寒火得水則形常潤而不至於稿苟先天水火一
有偏勝則稟受失其中和而後天培養之功爲不可少矣人生
一日不再食則飢故有資于飲食則飢故司之胃主進納脾主

運化飲食之氣味精華由脾胃以灌輸周身氣日盛而體日充
先天之水火賴此滋養以生生不息故以脾胃爲後天之本也
總之人身中潤澤之氣卽水也溫煖之氣卽火也一有偏勝其
致自飲食者調之甚易其稟於胎氣者治之甚難故先天爲重
然不以畏難而廢治全賴飲食以救弊補偏故後天爲要也
火根于腎而屬諸心何也曰腎于卦爲坎於令爲冬於位爲北
本水之宅也而陽根于陰則火生焉下潛而上升心于卦爲離
于令爲夏于位爲南則火之宅也至其宅而後旺故從其旺而
屬之心也其曰心爲君火腎爲相火又曰君火以明相火以位
何也曰君者主也向明以治心爲一身之主神明出焉故謂君

相者竭其才能以奉君出治者也賢位于下輸其火于心以爲
神明之用猶相臣竭其才力以奉君出治故稱相位以職掌言
明以功能言也火者人身溫和之氣也五藏六府皆有此溫和
之氣各歸其部則各有其位各効其能則各有其明賢由相火
非無明也陽方潛藏光未破乎四表職司封蟄龍不離于深淵
故不言明而言位失其位則有飛揚僭越之患矣心中君火非
無位也君主無爲不與臣下較職守神明有覺獨從方寸著處
靈故不言位而言明也失其明則有昏惑晦昧之憂矣然則君
火相火皆吾身陽和之正氣而不可無者而或指之爲邪謂君
火可直折相火不可直折何也曰失其正則爲邪失其和則爲

熱故謂君相火爲邪火者乃指君火相火之邪熱者言非君火相火之本爲邪也直折猶云正治治熱以寒治之正也君火屬心居于上焦其病無與于下無與于下則根本之真陽無恙特炎于上者過乎赫曦故可以寒涼治其有餘之邪使歸于正無所損于本原也若腎中相火居于下焦病則必于乎上無論下焦爲寒爲熱熱因上僭寒亦上浮蓋腎中水火同根本無偏勝若熱盛而水虧則火必致上炎寒盛而火虛亦必火因寒逼不安其宅而上浮也故言相火爲病者乃因其在上的熱而直探其在下之根言之病既根于下則不可以治上者治之矣何也火虛而治以寒涼是益助其下焦之寒火愈被逼而上浮矣

且為寒所逼之火本無根之殘燄而又以寒折之有不消滅者乎水虛而火炎若無妨于寒涼不知火炎本乎水虛不用平潤之劑以補水而徒用苦寒以制火是何異因金銀之缺少而鑿平馬以相致併傷其火而後已故曰不可直折也 相火靜而藏則屬腎動而發則屬肝胆此火布濩于三焦而心包絡為三焦之藏若肝之配胆故又曰肝胆三焦心包絡相火也

○命門說

難經謂腎有兩枚其皆腎也左為腎屬水右為命門屬火後人非之謂兩腎皆屬水命門在兩腎之中當脊骨自上數下第十四椎陷中若自下數上則為第七椎正與臍對引內經鬲盲之

上中有父母

謂心也

七節

即第七椎

之旁中有小心為証謂兩腎在七

節之旁兩腎中間即七節之隘中也小心即命門醫貴又以中

字為解以太極形容謂一中分太極中篆作一○太極也一分

太極為○者一象人之脊骨○象人之兩腎兩腎○相合仍為

一太極○其中空白處象命門又兩腎既分為兩儀則左腎為

陰水右腎為陽水陽水者氣之液也坎水也坎以一陽陷於二

陰水氣潛行地中為萬物受命根本月令於仲秋云殺氣始盛

陽氣衰水始涸是水之涸地之死也于仲冬云水泉動是月一

陽生是水之動地之生也陰水者形也兌澤也一陰上徹于二

陽之上兌以有形之水普施萬物下降為資生之利澤其說甚

有理然與難經所言大致亦自無殊蓋皆言腎雖屬水而水中
有火耳所用補火之藥總屬一樣豈有分別此味則入右腎六
味則入七節憂其岐誤致煩辨正哉至趙氏謂命火乃先天之
元陽腎水乃先天之元陰爲生命之根本治病必須求本故凡
寒之不寒用寒藥以治熱而熱不退是無水也無水者壯水之主主水者腎以制
陽光當主六味九熱之不熱是無火也無火者益火之原以消
陰翳當主八味九並見虛損遵其說而用之敗証効誠如神若初起
而遽以此投之則謬矣何則初病止傷其後天之血氣未遽累
及先天之水火故但熱之則寒消寒之則熱退隨手立應何必
他求乃不去其邪而遽補其正有不遷延時日坐失事機者哉

何今之爲醫者泥于醫貫之說不論新病久病非六味則八味

非補中

見

則歸脾

見

竟若歷古方書皆可刪却亦惑之甚矣或

問氣卽火也血卽水也兒在胎中氣血已具是氣血亦先天所

生六味補水八味補火是水火亦後天所養今謂氣血爲後天

水火爲先天母乃輕氣血而重水火乎曰氣血者水火之大綱

也人身呼吸運動知覺神明皆此火之爲之也氣可以言呼吸

運動不可以言知覺神明是氣雖卽火而不足以盡火人身之

血液精髓皆此水之爲之也血特水中之赤者耳不可以概其

餘故血雖卽水而不足以盡水有生之初胎孕始結形如露珠

父母之精氣也是水火乃先天之先天數月形成而後血氣具

是血氣爲先天之後天若夫既生之後飲食所長養之氣血
爲後天又不待言矣此水火氣血先後天之分如此先天實爲
後天之根故水火爲氣血之原而下焦又爲中上之根故腎命
爲水火之本其輕重之分固不能以無別也先天水火又互相
陰根于陽也蒸水
成氣陽根于陰也

○五藏生尅說

五藏生尅須實從氣機病情講明若徒作五行套語茫然不知
的實多致錯誤今略著其概如左 飲食入胃脾爲運行其精
英之氣雖曰周布諸藏實先上輸于肺氣親土也肺先受其益是爲
脾土生肺金肺受脾之益則氣愈旺化水下降澤及腎是爲

肺金生腎水腎受肺之生則水愈足爲命門之火所蒸化氣上
升肝先受其益是爲腎水生肝木肝受腎之益則氣愈旺上資
心陽發爲光明是爲肝木生心火脾之所以能運化飲食者氣
也氣寒則凝滯而不行得心火以溫之乃健運而不息是爲心
火生脾土此五藏相生之氣機也肺在心上心火上炎肺受其
傷此爲心火尅肺金也若由脾胃積熱或由肝腎相火該由本
經鬱熱皆與心無涉腎陰太盛寒氣上冲心爲之悸或腎寒甚
而逼其龍火上乘心爲之煩皆腎水尅心火也若飲水過多停
畜不行心火被逼不安而悸者與腎無涉脾氣過燥則腎水爲
其所涸而失潤或過濕則腎水爲其所壅而不流皆脾土尅腎

水也若他藏之燥外感之濕與脾無涉肝木疎泄太過則脾胃因之而氣虛或肝氣鬱結太甚則脾胃因之而氣滯皆肝本尅脾土也若自致耗散自致凝滯及由他藏府所致者與肝無涉氣有降則有升無降則無升純降則不升何則濁陰從肺右降則胸中曠若太虛無有窒塞清陽得以從肝左升是謂有降有升若濁陰壅滿胸中不肯下降則肝氣被遏欲升不能是謂無降無升東垣謂食填太陰爲金尅木卽此說詳見傷飲食門肺金肅欬太過有秋無春是謂純降不升無降無升純降不升皆肺金尅肝本也若肝木自沉或因他藏之寒鬱與肺無涉此五藏相尅之病情也不是則欲其生太過則欲其尅故木疎土而脾滯以行金得火而肺寒

以解腎得脾之健而水經之溫之虞肝得金之欽抑而木無
疎散之患人但知生之爲生而不知尅之爲生心火偏勝則
尅肺金若腎水充足則火有所制不但不尅金且溫脾以生金
餘藏同此論之此平人之無病實由五藏互相尅制故不至偏
勝爲變即經所謂亢則害亢大盛也承乃制承相承也水之承
火如子之承父火來尅金水刑生也火受水制則不時不尅金若己病之人則火
乃制之也刑生化且益土以生金化猶生也盛者不但刑金且復涸水肝脾皆被焚灼矣不治之而治其自
然承制有此理乎乃醫者見其熱極血瘀而舌黑也執伏于內
而外反寒慄也謂黑爲水色寒慄爲水象是火極而反兼水化
乃金之子水爲母報火之仇即亢害承制之理其說雖本前人

黎火的當。醫曰人皆曰水尅火予獨曰水養火蓋水尅火

者後天有形之水火也水養火者先天無形之水火也先天水

為根故水養火如燈得油而愈明也人皆曰金生水予獨曰小生金蓋肺氣夜臥

則歸藏于腎水之中腎中火炎則金為火刑而不能歸無火則

水冷金寒亦不能歸凡氣從臍下逆奔而上者腎虛不能納氣

歸元也毋徒治肺或壯水之主此即承制之理或益火之元所謂

水冷金寒用丙丁也即制生化以尅為生之理金向水中生矣人皆曰土尅水予獨于

水中補土八味九從水中補火以蒸腐水穀是也尋常土寒止

陽若命門火衰猶釜底無薪必須八味丸人皆曰木尅土予獨升木以培土蓋木者

春生之氣也與胃氣同出異名當遂其發生之性木氣升發即

胃氣升發也及其發達既久生意已竭又當斂歸水土之中以

爲來春發生之本

明此則金之尅木正所以斂聚其生意不使散也亦以尅爲生之理焉有伐之

之理此東垣脾胃論用升柴以升木氣諄諄言之詳也

土性中和有升

有降鬱而不升雖曰木病亦即土病故升木即是培土由是言之若有升無降則降金亦未始非培土矣愚按趙氏之說甚有理誠能觸類引伸則五藏互相關係之故無不了然

方諸氏又論五行各有五其說頗鑿未甚的當予謂五藏無一

藏無血液是皆有水也無一藏無氣是皆有火也無一藏不斂

生是皆有木也無一藏不藏斂是皆有金也有氣有血有發有

斂是無一藏不和平則皆有土也知五藏各具五行則其互相

關涉之故愈推愈覺無窮而生尅之妙不愈可見哉

○五邪說

五藏互相關涉則五藏皆得爲一藏之病故有本藏自病者有

他藏傳來者何以別之以証之先後見者別之知止見腰熱足

心熱尺脉沉數是腎水虛而熱也若先見目赤脇痛左關脉數

而後見前脉証是肝病及母也若先見咳嗽喘滿右寸脉數而

後見前脉証是母病及子也若先見腹痛肚熱大便秘結

脉數而後見前脉証是夫病傳妻也若先見心煩舌赤小便赤

澀左寸脉數而後見前脉証是妻病傳夫也他藏倣此 難經

論五邪謂假令心病因傷暑得之爲正邪

暑屬心火 經曰中風得

之爲虛邪乃從後來者也

水同箇生火是火在水前水在火後心病自肝傳來故曰從後來也 因

飲食勞倦得之爲實邪從前來者也因傷寒

猶言因得之爲微肺受寒

邪從所勝來者也因中濕

難經以濕屬腎以濕即水也

得之爲賊邪從所不

勝來者也脉訣又以脉言之謂心火當夏令時反見肝脉爲虛

邪虛則補其母難愈反見脾脉爲實邪實則瀉其子易愈反見

肺脉爲微邪雖不治自愈蓋以夏令心火當權脉應洪大今猶

見春脉是至而不至不得乘時正位爲火氣不足故見傷風餐

泄之証須用辛溫之品以補肝使木氣上升以生火而補正難

于連效也又脾脉未及長夏而先見爲土氣有餘故見飲食停

滯大便燥結等証須用苦寒以瀉其子一瀉而邪即去易于爲

力也又火令當權金偶來乘立即避去不逐自退如夏月偶然

感寒咳嗽即不發表而暑月多汗邪隨汗散不藥而愈也然脈
訣又謂春得脾而難療冬見心而不治反以微邪為可畏者何
也解者謂本脈得令而兼帶妻脈則為微邪不治自愈如夏令
見洪脈
暑帶若本脈全無而獨見妻脈則不可以微邪論也如夏令脈
是金見妻脈也恐金
生水來尅火故不治當細察之

○十二經配三陽三陰說

心經脈名手少陰經小腸經脈名手太陽經肺經脈名手太陰
經大腸經脈名手陽明經心包絡經脈名手厥陰經三焦經脈
名手少陽經以各脈俱行于手故言手以別于是經也腎經脈
名足少陰經膀胱經脈名足太陽經脾經脈名足太陰經胃經

脉名足陽明經肝經脉名足厥陰經胆經脉名足少陽經以各
經俱行于足故言足以別于手經也陰陽之分則從其所系之
藏府而命之耳然太陽少陽太陰少陰四象也四象之外又增
陽明厥陰名色非蛇足乎則何不直以心經小腸經等稱稱之
之爲得乎又內經嘗以厥陰爲一陰少陰爲二陰太陰爲三陰
少陽爲一陽陽明爲二陽太陽爲三陽矣則又何不以一陰二
陰等稱稱之乎竊謂五藏配五行六經配六爻三陰經坤之三
畫也三陽經乾之三畫也以一二三爲序命之似爲安當而必
立此太少厥等名色且泥此生解及離牽強無當病情千古相
治不改此莊生所謂呼牛者姑應以牛呼馬姑應以馬呼

○六氣說

六氣風熱暑濕燥寒也風屬木暑熱皆屬火而分熱爲君火暑

爲相火

此與心爲君火腎爲相火之說各別

濕屬土燥屬金寒屬水此內經之說

也夫四時之氣春則溫夏則熱秋則涼冬則寒然溫熱蒸而爲濕涼寒肅而爲燥此四氣之外又添燥濕二氣也濕極于夏燥始于秋故繫濕于長夏繫燥于秋一以終言一以始言乃互文以見意非謂春無濕而冬無燥也又四時皆有風而屬與木故繫之春豈夏秋冬無風乎不言溫涼者以寒熱爲舉隅非謂春必當以風易溫秋必當以燥易涼也此等最宜姑看倘若執運氣之說則于理難通矣何則陰陽水火相爲對待本無偏勝故

四序不愆若泥分大寒立春雨水驚蟄屬風木則混冬月之節
介入于春矣公春分清明穀雨立夏屬熱火小滿芒種夏至小
暑屬暑火則春夏溫飢火令過多矣分大暑立秋處暑白露屬
濕土則秋氣反多于夏而上爲失位矣九秋皆屬燥氣而割三
節以與相反之濕止存秋分寒露霜降三節反取立冬一節以
益之牽混破碎節序皆愆尙可信乎雖云陽有餘陰不足亦何
至火二而水一四分火爲熱暑二氣以致此盈彼縮而四序皆
愆亦何爲乎竊謂溫涼寒熱四氣分布四時鐵板不易燥濕二
氣皆屬之土有寒濕有熱濕有寒燥有熱燥分布四季月辰空
爲濕土溫熱之所蒸也戊丑爲燥土寒涼之所肅也是爲熱濕

寒燥又火在地中而土燥坤土次于離火之後是也水在地中而土濕艮土次于坎水之後是也是爲熱燥寒濕蓋土德兼而有如是也風則無時不有而秋冬更爲凜烈合之爲七氣夫何家可之有哉昔人謂內經非岐黃書乃後人之假託要未必出行一手故有醇有疵分別觀之可耳

○六氣後論

有在天之六氣有在人之六氣上篇所言天之六氣也此篇所言人身之六氣也 經曰人身之氣以天地之疾風名之是人身之氣可名之爲風也各藏府皆有氣皆可明風而屬之肝者以風爲動物肝主動也經曰在天爲風在地爲木在人爲肝故

古人於肝或名之爲木或名之爲風凡醫書中所言風証作外感風寒者不合者作肝氣看則合初學之士不可不知也若誤作外邪治妄行發散則非矣然內風亦有當發散者以肝氣鬱抑於中則與之升發或服藥後溫覆以助其升令之外發或但服藥令之內升不用溫覆取汗酌之可也外感之風多屬寒雖夏月得風亦涼可見也內生之風則多屬熱何者人身之氣有寒有熱氣寒則微氣熱則盛盛則鼓盪飄忽而風生焉所謂熱極生風又謂風從火斷汗之宜也風既爲熱氣所生則其氣必熱而亦有寒者以火氣暴盛者元氣被其冲激煽而爲風風動而生涼也驗之焚燂火起則風發

風即虛空之氣耳不病不動火之冲激與用扇扇之無異

也

習習生涼可見故丹煥謂寒氣自下上冲爲火卽此義也

火在天爲熱氣

經以屬之春分後四氣

暑氣

經以屬之小滿後四氣

在地爲五行之

火在人身爲君相之火已詳水火論

濕在天爲濕氣在地爲

土在人爲脾胃故古人言脾胃往往以土名之或以濕名之

脾胃居中兼該六氣六氣皆能爲之病不獨主濕惡濕也

燥

在天爲清氣在地爲金在人爲肺故古人言肺往往以金名之

以躁名之而或主寒燥言或主熱燥言則當細與辨別庶不致

錯謬

寒在天爲寒氣在地爲水在人爲腎故古人言腎往往

以水名之以寒名之經曰冬傷於寒寒字卽腎字之替身非言

時令之寒也

人身六氣爲病有自生者有與天之六氣相感

應而生者故外感內傷大端最宜分晰也

○運氣說

運氣之說拘牽不通固爲有識者所不信然其大指在詳舉六氣有許多變幻寒中有熱熱中有寒邪正交錯著變紛紜莫可紀極一以明人之病源一以例人之病情耳明人之病源者言人感六氣而生病欲入細推所感之氣其中有無夾雜也氣當兼治也例人之病情者天地之氣變幻無定則人身之氣亦變幻無定而病情不可以一律拘也如冬月固屬寒氣司令然亦有客熱加臨故冬亦有溫時所謂非時之煖也人于冬月病外感則未知爲感寒而病歟抑感非時之溫而病歟是其源所當

察也寒氣在土則陽伏地中故土上凜烈而井泉溫煖以驗人身則外感于寒而內鬱爲熱也是其情之有可例也此言運氣者之大指取其大者畧其煩碎棄其紕謬而實實體驗于人身是在善讀書者耳

○虛實寒熱說

虛者正虛也謂其人氣血虛衰也實者邪實也

一切內外寒熱皆邪不論有形

無形但着滿爲患邪宜消散者皆爲實邪

非謂其人氣血壯實也故曰虛中有實實

中有虛

所謂正自虛而邪自實也

虛而不實者止用補虛而實者必攻補兼

施若實而不虛則直攻之而已如虛人傷食輕則於補劑中加消導之品重則加下利之藥頃刻收功矣庸醫乃謂須與純補

俟其氣旺則食自運行遷延時日坐失事機往往變生他証卽幸而奏效病者受苦久矣未有久苦於病而元氣不傷者也名曰補之實以傷之亦何爲哉 有虛寒有實寒如多食生冷及寒痰停滯之類有虛熱有實熱知實熱而不知虛熱與知虛寒而不知實寒皆庸醫也

○補瀉論

瀉此卽補彼如瀉火卽是補水 補此卽瀉彼如補火卽是驅寒 故瀉卽補也補

卽瀉也寒以補陰故夏月飲水熱以補陽故冬日飲湯必以溫

熱爲補寒涼爲瀉者謬也 張子和謂良工治病先治其虛後

治其虛亦有不治其虛時庸工治病純補其虛不敢治其實以

爲先固其氣元氣實邪自去不知邪之中人輕則傳久而自盡
頗甚則傳久而難已更甚則暴死補之真氣未勝邪已交馳橫
驚而不可制矣惟脉虛下脫無邪無積之人方可議補其餘有
邪積之人必以吐汗下三法先攻其邪邪去而元氣自復也又
曰汗吐下以藥石草木治病者也猶君之刑罰補者以穀肉果
菜養口體者也猶君之德教故曰德教興平之梁肉刑罰治亂
之藥石若人無病梁肉而已及其有病當先誅伐病之去也梁
肉補之如世已治矣刑措而不用豈可以藥石爲補哉又曰胸
已土大滿大實病如膠粥微九微散皆兒戲也非吐病安能出
又曰風寒暑濕之氣入於皮膚之間而未深欲亟去之莫如發

汗又曰人知下之爲瀉而不知不之爲補陳莖去而腸胃潔病
痕盡而榮衛昌不補之中有真補者存焉又曰人之食飲酸鹹
苦苦百味皆聚於胃壅而不行蕩其舊而新之亦脾胃之所望
也其言可謂名通 按子和治病不論何証皆以吐汗下三法

取效此有至理存焉蓋萬病非熱則寒寒者氣不運而滯熱者
氣亦壅而不運氣不運則熱鬱痰生血停食積種種阻塞於中
矣人身氣血貴通而不貴塞非三法何由通乎又去邪卽所以
補正邪去則正復但以平淡之飲食調之不數日而精神勃發
矣故婦人不孕者此法行後卽孕陰陽和暢也男子亦陽道驟
興子和云病久否閉忽得涌泄血氣冲和心腎交媾陽事必舉宜切戒房室非其明驗乎丹溪劉宗素

法實於此得悟後人不明其理而不敢用但以溫補為穩殺人如麻可歎也

○反治論

以熱治寒以寒治熱謂之正治又謂之逆治逆其性也以熱治熱以

寒治寒謂之反治又謂之從治從其性也而有真反假反之分假反

者如熱邪內陷陽氣不達寸外故身冷肢厥戰慄惡寒以大承

氣湯下之而愈不識者見其外証似寒用寒訝其相反識者謂

其內証真熱用寒實為正治乃假反而非真反也真反者如風

火暴盛痰涎上湧閉塞咽喉非辛熱之品不能開散不得已暫

用星半烏附巴豆等熱藥是則真反也又有寒熱並用者因

其人寒熱之邪夾雜于內不得不用寒熱夾雜之劑古人每多
如此昧有言為雜亂乃無識也然亦有純寒而干熱劑中少加
寒品純熱而於寒劑中少加熱藥者此則名為反佐以純熱証
雖宜用純寒然慮火因寒鬱則不得不于寒劑中少佐辛熱之
品以行散之点免凝閉鬱遏之患寒藥熱服純寒証雖宜用純
熱然慮熱性上升不肯下降則不得不于熱劑中少佐辛熱之
品以引熱藥下行如加胆汁童便入熱藥中引入肝此反佐之
腎之類又熱藥寒服亦此意也
義也知此諸義則上病取下如心火上炎由腎水下病取上
如小便不攝由肺左病取右右病取左如左半身癱瘓不遂用
氣虛者則益肺氣
則傷右之火又升先降濁降而後清可得而升如邪氣不化
氣而左用實升升先降津而渴用五苓散水升清則津生此

是欲降先升如小欲行先止如氣虛散漫不能運行須先
也運所謂塞欲止先行如食積瀉用承氣去積等法皆觸類貫通
因奉用也因奉用也矣

○標本說

標本中氣之說出於內經有謂天之六氣為本人之六經為標
經之相為表裏者為中氣所謂少陽之上火氣治之中見厥陰
天在人上故日上言少陽感天之火氣而病少陽與厥
陰為表裏病無相連故其中兼見厥陰証也餘倣此 陽明之
上燥氣治之中見太陰太陽之上寒氣治之中見少陰厥陰之
上風氣治之中見少陽少陰之上熱氣治之中見太陽太陰之
上濕氣治之中見陽明是也 有謂人之藏府為本六經為標

藏府之相爲表裏者爲中氣如胃爲本足陽明經爲標脾爲中
氣脾爲本足太陰經爲標胃爲中氣是也 有謂病之先受者
爲本病之後變者爲標如病本於傷食因而証見吐瀉是也又
此藏此經先病後乃轉屬他藏他經是也 經謂病有生於有
者有生於標者有生於中氣者有在標而求之於標在本而求
之於本有在本而求之於標在標而求之於本先病而後逆者
因病而致先逆而後病者先寒或熱而後病者先病而後寒或
氣血之逆熱者先病而後泄者先泄而後病者皆治其本惟先熱而後生
中滿先病而後生中滿及大小便不利者皆治其標中滿指脹極吐腹欲
多者言大小便不利指熱滿不通者言並屬危急之候故先治
標按中風痰涎壅盛不通則死急用三生飲稀涎通開等散

去其於及吐衄諸血傳病不得不
去瘀導滯木急則治標之義也 又謂病發而有餘邪盛本而

標之邪盛則侮及他藏先治其本後治其標病發而不足正虛

標而本之不足則他藏來侮為標病傳本先治其標後治其本謹察間開胃論

日之甚以意調之間者并治也甚者獨行 又謂少陽太

陰從本少陰太陽從本從標陽明厥陰不從標本從平中從前

解者殊不知明白愚謂少陽經之屬陽者也少陽之上火氣治之

火亦陽也故少陽從本為以陽從陽不言從中者中為厥陰本

從火化彼反從我故不言也太陰經之屬陰者也濕亦陰氣也

故太陰從本為以陰從陰不言從中者中為陽明燥從濕化亦

彼反從我故不言也少陰經之屬陰者也熱氣則為陽矣太陽

經之屬陽者也寒氣則屬陰矣標本異氣各能生病故或從本或從標也亦俱不言從中者少陰之中爲太陽言從本之陽足以該之太陽之中爲少陰言從本之陰亦足以該之至若陽明亦經之陽者也燥亦氣之屬陽也寧非以陽從陽而不言從本者以從本一義已於少陽太陰發之而有燥從濕化者其理不可不明故特舉從中言也厥陰亦經之陰者也風亦氣之屬陽者寧非標本異氣而不言或從標或從本者以從標一義已於少陰太陽發之而從本之風則又從乎火化故不從本而從乎中也然風從火化本火同氣其理無疑若燥濕相反其從化理似難說然觀仲景治傷寒燥渴反用五苓去濕其理可推蓋

脾土之濕壅滯不行則氣化不布津液不流而胃與大腸均失其潤反成燥結固有之矣 按從中之說不過於常理之外另立一義以示本能生火濕鬱成熱之例非謂厥陰病必有陽無陰陽明病必有濕而無燥也若執泥便說不去張子和標本歌云少陽從本爲相火太陰從本濕土坐厥陰從中風是家陽明從中濕是我太陽少陰標本從陰陽二氣相包裹風從火斷汗之宜燥與濕兼下之可其意蓋謂燥証當以溫潤之藥治之耳觀其治燥諸條止用硝黃不用去濕之藥不泥經語可見矣 再按少陽太陰從本此純熱無寒純寒無熱標本合一者之治別也少陰太陽從本從標此寒中有熱熱中有寒陰陽夾雜者

之治例也陽明厥陰不從標本從乎中治此陽証根陰陰証根陽表裏互求者之治例也如此看較活

表裏論

以周身言則軀殼爲表臟腑爲裏而以軀殼言則皮膚爲表骨肉爲裏以臟腑言則腑爲表臟爲裏也以經脉言太陽陽明爲表三陰爲裏少陽爲半表半裏而於表中又分表裏則太陽乃表之表陽明乃表之裏於裏中又分表裏則太陰爲裏之表少陰爲裏之中厥陰爲裏之裏也故傷寒傳經之次首太陽陽明次少陽次太陰次少陰次厥陰按太陽之腑爲膀胱陽明之府爲胃二府皆貯物瀉而不藏外通出表故其經脉屬表未

陰之臟脾少陰之臟腎厥陰之臟 皆貯精藏而不瀉不能外
出故其經脉屬裏少陽之 膽所貯精汁類于物則似府也然
亦藏而不瀉則又似藏故其經脉屬半表半裏此無可疑獨腎
位肝下最屬深藏其經脉應爲裏之裏乃反爲裏之中此則不
能無疑豈經脉雖連繫於藏府而其表裏層次自以其行於肌
膚之淺深分不昭藏府之部位爲次序耶且此止言足經耳若
手經之次第亦有可得而言者耶竊疑內經熱病論論傷寒傳
經之次乃倣運氣厥陰爲一陰少陰爲二陰太陰爲三陰少陽
爲一陽陽明爲二陽太陽爲三陽之說以爲言然此乃言客氣
之次第恐未可爲病機之據也且運氣之說亦謬而不足信矣

陰陽論

人身從臍中分上部爲陽下部爲陰面爲陽背爲陰左爲陽右爲陰表爲陽裏爲陰府爲陽藏爲陰氣爲陽血爲陰動爲陽靜爲陰語爲陽默爲陰寤爲陽寐爲陰呼爲陽吸爲陰魂爲陽魄爲陰內經言背爲陽是對腹爲陰說非謂背爲陽而面爲陰也蓋腹處下而背居上故以上者爲陽下者爲陰耳後人不明其說以腹字當面字看誤矣觀易卦陽盛于午陰盛于子背北也北屬陰陰靜陽動背不動屬陰明矣又溺水死者女屍必仰女入陰氣重也男必仆男人陽氣重也不更可驗背之屬陰面之屬陽哉夫陽盛于午陰盛于子此面陽背陰之義也由復至

乾左升為陽由圻至坤右降為陰此左陽右陰之義也陽主氣
陰主血陽大而陰小乃丹溪謂左半血多右半氣多人右手足
大于左手足何也曰左右陰陽對待本甚均平無偏多偏少然
陽盛于午至酉而猶熱陰盛于子至卯而猶寒豈非極盛之勢
餘氣猶旺耶然則左雖屬陽而陰反盛右雖屬陰而陽反強固
可見矣又何疑于左半身血多右半身氣多右手足之大于左
手足乎

醫貫謂冬至一陽生當漸向煖和乃臘月大寒冰雪反
甚蓋陽伏于下逼陰于上故井水氣蒸而堅冰至夏至
一陰生當漸向清涼乃三伏溽暑酷熱反熾蓋陰
盛于下逼陽于上故井水寒而雷電合可以互証

予嘗病眼熱
必有目先而甚左日後而微知左屬血火不易傷也

所謂乾柴
者先灼濕

又病脚腫必左先而甚右後而微知右屬氣濕尚易運也

又嘗掩右目用左目視月則不如右目之明以右目火盛能遠
燭也掩左目用右目觀書則不如左目之明以左目水盛能近
鑒也然此猶各有所長也若較其強弱則右必強於左嘗吹筒
式鳥筒鳥相對若引繩以爲必中也而不中知二目之力有強
弱不同也因閉右目獨用左目視筒鳥如引繩乃開右目並用
則大異矣是左目爲右目所奪也又閉左目獨用右目視筒鳥
如引繩乃開左目並視其爲如引繩首亦無異也是右目不爲
左目所奪也豈非右目強而左目弱哉故經言右耳目不如左
耳目明者吾不信也 府爲陽藏爲陰細分之則心肺處土部
爲陽肝腎居下部爲陰又心與肺較則肺屬金爲陰心屬火爲

陽肝與腎較腎屬水爲陰肝屬木爲陽又肺與肝較則肺主陰
爲陰肝主升爲陽又腎有水有火腎火爲陽腎水爲陰紛紜
變無有定名醫書動言陰陽而不切指其爲何項甚屬朦朧當
細分之如言陰虛則未知其言血虛耶肺虛耶腎水虛耶腎火
虛耶何不切指之曰血虛曰肺虛曰腎水虛曰腎火虛
之爲明白也本
集一一分晰之

○夏月伏陰辨

丹溪謂夏月炎暑盛行人身內外皆熱其說甚的乃張景岳謂
夏月伏陰人身外熱內寒冬至伏陽人身外寒內熱以夏至陰
生地上熱而井水寒冬至陽生地上寒而井水溫爲証其說似
是而非乃知有天時而不知有地理者也人身之氣與天地通

固從天時而變亦隨地勢而移既有東西南北之殊豈無上下
高深之別人之身回在地上也非在地中也設夏時而身處井
中則不特內寒卽外亦寒矣尙得如其說謂外熱內寒耶然則
置身地上不特外熱卽內亦熱自可反觀而見矣試觀浮瓜沉
李燕水飲冰未嘗畏冷其情可見冬月能如是乎或曰夏月汗
多汗多則亾陽陽亾則陰生于內謂之伏陰非歟曰夏月汗多
是人皆然豈皆亾陽乎不過虛其津液耳津液虛卽陰虛陰虛
則陽愈熾觀小便之短而赤可知不滋金水而補火土吾見其
惑也曰古人於暑証多用熱劑非歟曰此因証轉虛寒乃然不
可一概混施也 問夏月陽氣外泄冬月陽氣內藏非歟曰陽

外泄則汗出而內涸故清潤之品爲宜氣內歛則化水而陰滋
故溫熱之劑可任觀夏月渴而小便短赤冬月不渴而小便清
長則陽外泄者之內非冷陽內藏者之中非熱不辨自明矣

○氣

氣無形而血有質氣爲陽主護衛於外故名之曰衛血爲陰主
營運於中故名之曰營血陰有質故其行也必次第循經而入
於脉道之中充於內而後達於外氣陽無形故其行也慄疾不

循經而出于脉道之外實于表而後返於裏

觀內經謂飲酒者氣先行皮膚先充

在外之絡脈而後滿于在內之經脈可見矣

此二者之行所以有不同也

經謂營氣之行寅時

起出肺經而大腸胃脾心小腸膀胱腎心包三焦胆肝諸經復返于肺如是者每日五十周衛氣之行每日早至暮行陽分三

十五周每周出太陽而少陽陽明足少陰復退于太陽晝至曉
行陰分二十五周每周由腎而心肺肝脾復返于腎二者之行
不同如此按經言營氣是言血中之氣非單言血蓋
血中之氣既負血而行則亦不及衛氣之慄疾也 經言衛

氣晝行陽二十五度

度即徧也

夜行陰二十五度大槩如此蓋晝則

陽動而氣行于表者多夜則陰靜而氣斂于內者多非晝全不
行于內夜全不行于外也至謂一晝夜必行五十周則鑿矣

氣一耳以其行于脉外則曰衛氣行于脉中則曰營氣聚于胸

中則曰宗果名雖有三氣本無二氣與血並根柢于先天而長

養於後天經謂營氣出于中焦又謂心生血不過以胃受穀氣

蒸化成血血色之赤稟於心火爲言耳要之血卽天一之水

觀血

味醇

可知氣爲坎中之陽同根于腎無岐出也

氣根于腎亦歸于

腎故曰腎納氣其息深深氣不歸元則喘咳不待即肺司呼吸氣之出入于

是乎主之且氣上升至肺而極升極則降由肺而降故曰肺為

氣生 腎主納氣故丹田為下氣海肺為氣主故胸中為上氣

海 腎水為坎中之陽所蒸則成氣上騰至肺所謂精化為氣

地氣上為雲也氣歸于肺復化為水肺布水精下輸膀胱五經

並行水之精者行于經脈所謂水出高源天氣下為雨也陰陽互根于此

可悟矣 腎以閉藏為職雖子土陽生而氣發淵泉機猶未暢

故氣之升發不屬腎而屬肝也 藏屬腎泄屬肝升則泄矣此肝腎

之分也肝主升肺主降此肺肝之分也心主動志意則動氣也腎主靜

此心腎之分也而靜藏不至于枯寂動泄不致于耗散升而不

致于浮越降而不至于沉陷則屬之脾中和之德之所主也然則升降動靜苟失其中雖爲肝肺心腎之不職亦即脾之不職而但知氣之不升或有升無降爲肝木尅脾土者陋也知各藏之病皆關乎脾則知脾氣調和即各藏俱調和矣故補脾不如補腎不過舉要之詞固不若補腎不如補脾之論爲得其全也老人小兒尤以脾胃爲主經言陽之氣以天地之疾風名之又曰風氣通于肝故氣病往往稱風如肝風腸風胃風之類飲食在胃則胃實腸虛氣下于腸飲食在腸則腸實皆氣之類胃虛氣上于胃往來鼓動有聲所稱腸風胃風即此往來鼓動若風耳非必外來之風也已上明氣之理至其病

証林信詳下

氣之病証

內經列九氣為病一曰怒則氣上甚則嘔血

暴怒傷陰血隨氣逆殛泄

而出也怒氣上冲則嘔血下替則殛泄氣鬱不運則水穀不分也

或血菀于上

不嘔則替積于上焦

形氣

絕

卒然倒斃

名薄厥

薄迫也謂血氣厥逆迫于上焦

或胸滿脇痛食則氣逆而不下

一曰喜則氣緩志氣通暢和緩本無病然過於喜則心神散

蕩而不藏為笑不休為氣不收甚則為狂有喜極氣暴脫而死

者必其入素虛氣浮無根也

所謂暴喜傷陽

一曰悲則氣消心志摧

抑沮喪則氣亦因之消索以怒則氣盛而張反觀之可見悲則

氣衰而欬矣為目昏

悲泣多則目昏

為筋攣為陰縮

皆有降無升肝為木受時所致也

為

酸鼻辛如為少氣不能報息

報接精意

為下血

氣不能攝血也

為泣則臂麻

一曰恐則氣下精却

腎精方欲化氣而上因恐則却而退下也王太僕謂恐則傷精却而上不下流

下焦陰氣亦迴環而

不散故聚而脹未安 氣還下焦脹為陰痿骨痠精時自下

曰驚則氣亂心無所倚神無所歸慮無所定為癡癰

驚則神不守舍痰涎

入心 為不省人事為僵仆 一曰思則氣結心有所存神有所

歸正氣留而不行為不眠為中痞三焦閉塞為不嗜食為昏脅

為得後

即大便

與氣

噎氣或屁氣皆下陷之

則快然而衰

結氣得通而滯

臧也

一曰寒則氣收腠理閉氣不行上下所出水液澄澈清冷

一曰熱則氣泄腠理開汗大泄喘嘔吐酸暴迫下注所謂壯

火食氣又云熱傷氣也

氣乘風則飄遇火則散火主發

一曰

勞則氣耗喘息汗出內外皆越精神竭絕

經曰靜則神藏躁則消亡

為促乏

為嗽血為腰痛骨疼為高骨壞為煎厥

五心煩熱如煎熱而原逆也

男為少

精女為不月

按七情皆生于心以悲則氣下故屬之肺怒則

氣上故屬之肝恐則怯而欲藏匿故屬于腎思則無所不通故

屬之脾耳此義宜知

驚屬心肝氣動故風火炎煽則病發驚駭

清氣在下則生殖

泄濁氣在上則生膈脹

經謂清濁相于為亂氣

水穀之清氣注五藏濁氣

注六府又清氣上升濁氣下行反之則亂也

予謂邪正相于亦然

此如卦畫之交錯陰陽揉雜

於

此想見霍亂情狀

氣帶必痛經云諸痛皆因于氣又云氣傷

痛形傷腫先痛後腫者氣傷形也先腫後痛者形傷氣也 丹

溪謂氣有餘便是火自覺冷氣自下而上者非真冷也火極似

水耳不治其火則氣不降

火極似水猶云熱証似寒氣為火所衝發忽若風故冷也

氣

本清滯而痰凝血瘀則濁矣不治其痰血則氣不行

脉

長則氣治 短則氣病 數則氣熱 遲則氣寒

大則陰傷 弦則氣鬱 上盛則氣高 下盛則氣脹

濡則氣滯 衰則氣少 凡氣不舒者脉必沉

治法

結者散之 鬱者達之 閉者開之 氣閉者無小修或兩手脉伏不見 陷者舉之高

者抑之 浮越者鎮墜之 脫者固之 散者收之 虛者補之 痞滿似難補然

由脾虛不行正宜補脾以復其健連之職 則濁氣行而痞滿自除所謂塞因塞用也 熱者清之 寒者溫之

其病在七情非藥可愈者以五志相勝故悲可以治怒以捨

惻苦楚之言感之喜可以治悲以謹浪褻狎之言娛之恐可以
治喜以迫遽死亡之言怖之怒可以治思以污辱欺卧之言觸
之思可以治恐以慮彼忘此之言奪之又習可以治驚使不習
驚逸可以治勞也 大約青皮疎肝枳壳利膈香附散鬱木香
舒脾厚朴散滿沉香降逆前胡下痰柴胡升清烏藥川芎紫蘇
能散邪氣從汗而解 檳榔大腹皮能使濁氣下行而去後重
萊菔子蘇子杏仁下氣潤燥肺氣滯于大腸者宜之 豆蔻
沉香丁香檀香辛熱能散滯氣暴鬱者宜之鬱久成火者忌用
須以薑炒山梔子佐之 已上皆治有餘氣病若兼痰火兼積
滯兼血各隨症加減 調氣用木香然性溫上升若陰火上衝

咽喉似氣滯而實非氣者用之反以助火當用黃柏知母少佐

枳壳 氣虛氣滯六君子湯加益智蘇梗 血虛氣滯四物湯

血加香附陳皮 腎陰虛氣滯六味地黃湯見虛損加沉香石斛

砂仁 腎陽虛氣滯四逆湯見厥加肉桂補骨脂 肥人氣滯必

挾痰二陳湯見痰加香附枳壳燥以開之甚者加蒼朮白芥子

瘦人氣滯必挾火宜蘇子山梔歸芍降以潤之 婦人性執易

于動氣痞滿脹痛上膈心胸或攻築脇肋腹中結塊月水不調

或眩暈嘔吐往來寒熱正氣不香散四七湯酌用之 如氣不

升降痰涎壅盛者蘇子降氣湯 氣不歸元以補骨脂為王取

其壯腎收濁氣歸就膀胱使化而出也或白朮亦可以其能和

脾胃和則氣自歸元此為脾腎兩虛者立法也若肺腎兩虛者
不歸元喘促不卧者宜五味胡桃人參之類氣鬱久則中氣
傷不宜尅伐宜歸脾血見逍遙二方佐撫芎香附枳壳以舒鬱
胎產同法木香流氣飲通治一切氣病利三焦通營衛達內
外腫脹喘嗽痛疼皆效分心氣飲治七情氣滯蘇子降氣
湯治氣上逆補中益氣湯治氣虛下陷越鞠湯見治氣鬱中
焦

○血

精髓血乳汗液外出為汗津出于涕出于鼻淚溺皆水也並屬
于腎而血色獨紅者血為心火之化數者色皆白乃肺氣之化

也腎爲陰肺爲陽陽交乎陰而液以化腎屬水心屬火水交于
火而血以成以其爲心火所成故經謂心生血又云血属于心
又云心主身之血脉也 赤者心火之色心火不足則血色淡
心氣虛寒則血凝而紫黑紫黑爲腎色自見無火也亦有火盛
血瘀而色紫黑者總可見血之關於心 張介石曰凡身有血處觸之必痛痛者心知而
赤爲火色故曰心生血又曰人身麻木處則無血色血所不至
是心所不洽故不知痛痒又曰趙氏云血隨相火行故色紅非
也相火居坎水中弗能自露陽爲陰掩其色黑至于心火而陽
老矣陰爲陽閉故內暗外明其色赤血如隨相火行則必黑而
紅 汗液津淚涕皆清液陽所生也精髓血乳涕皆稠濁陰所
成也陽性速其生易故氣至而卽生 如悲哀氣動則淚若湧泉
見 陰性遲其成難故蓄積而后富 細分之則精髓涕爲一類

血與乳爲一類而乳之成較血爲易故曰血者難成而易虧

髓藏而不洩涕卽腦髓其洩也以病腦熱惟精藏而能洩其洩

也以陰陽之和暢故能成生青之功血亦藏而不洩較精之藏

而能洩殊矣故精動而血靜精陽而血陰婦人之月事乃溢而

精少血多貴賤之別也精生血死老少之分也精色自肺氣所

爲少火火少則生血色赤心火所水凝爲冰見晁則消血凝成

塊雖煮不化水隨氣行能越於外血隨氣行但運於中清濁陰

陽氣質之分可觀矣 蓋謂血總統於心此卽心生血之義矣

而曰化生於脾藏受于肝宣布于肺施洩于腎何也曰經言水

穀入胃中焦受氣取汁變化而赤爲血蓋言胃中水穀之清氣

藉脾運化成血故曰化生于脾然兒在胎中未嘗飲食先已有血可見血爲先天之水不過藉後天爲長養非全靠後天也

又云

脾統血者則血隨脾氣流行之義也

又經言人臥則血歸于肝蓋言人寤屬陽寐

屬陰陽主外而親上陰主內而親下寤則血隨陽動外運而親

上臥則血隨陽靜內藏而親下五藏皆在內而肝腎居下爲血

之所歸藏言肝而腎可該何則肝動腎靜動者尙藏則靜者可

知故曰藏受于肝也

一說血不藏皆肝之疎泄使然故以藏受責之亦通

其謂宣布于肺

則血隨氣行之義耳其謂施洩于腎則混精爲血觀古人動稱

父精母血可見要知是精非血不當混合爲一也 經府之血

流行 藏府之血守位 已上明血之理其病証脉治詳下

血隨氣行氣寒而行遲則血清滯氣熱而行駛則血沸

蓋血屬陰

非陽不運故遇寒而凝氣盛火少則壯故遇熱而灼

清滯皮膚則為痛痺凝結經絡則

為疽癰瘰積腸胃則為敗腐虛寒不攝則為脫崩沸騰上焦則為吐血衄流注下焦則為便血壅塞經脉則為癰毒浮見皮膚則為疔疹而且濕盛而蒸為癰風血乾而化為癆瘵致病非一要不出寒熱二端大抵痰尚易治乾則難醫無潮熱者輕有潮熱者重

吐血

即嘔血舊分無聲日吐有聲日嘔不必

吐由口出古人謂是胃府之血張景岳則謂出于肝者有咽與喉之異喉為肺之上竅而兼總五藏之清道故諸藏之血皆得

從清道以出于喉不獨肺也咽爲胃之上竅而兼總六府之濁道故諸府之血亦皆得由濁道以出於咽不獨胃也五藏之氣皆壘于胃則五藏之病亦皆及于胃如怒則氣逆而嘔血肝病也然火上炎而嘔血腎病也而其血皆由胃脘以出則是出于喉者止五藏之血而出于咽者不止六府之血矣按景岳之說甚是然何以別之六抵由肝腎而出者往往傾盆而來如潮之湧此雷龍之火暴發乘胃所致肝腎胃血俱出彼時喘息不定面如醉酒心神煩亂少刻火退神清面白氣平血乃漸止若胃火自病其勢不甚暴烈所出必不若是之多也凡血色初吐鮮紅而散少停一二時再吐則畧紫而凝入而又吐則黑而結

塊若吐血不停則初出者爲上焦近血色鮮紅後出者爲中下焦遠血其色深紅吐後未盡餘血色淡或糖色或粉紅色

咳嗽血

火刑金而肺葉乾皺則瘁痒則欬此不必有痰故名乾咳咳多則肺絡傷而血出矣嗽則兼有痰痰中帶有血線亦肺絡之血也 其証有輕重但熱壅于肺者輕清火自愈久嗽肺損者重保肺爲主阿膠爲君白芨苡仁生地甘草枳椇橘紅貝母爲丸喻化又須看痰色如瑪瑙成塊者出胃口易治若一絲一點從肺藏中來肺少血爲火所逼雖少亦出漸至肺枯成癆難治欬出白血必死

血色淺紅似肉似肺者是

脉弦氣喘聲嘶咽痛不治

咯唾血

咯與嗽爲一類皆因有痰而欲出之或費力或不費力總以出痰爲主非欲出其血也因值其失血故血隨痰出耳唾與吐爲一類此則因血而然緣血爲火所湧土升出至咽喉多則吐少則唾並不費力皆係純血無痰涎夾雜吐唾旣爲一類吐不定屬胃唾獨必屬腎乎古謂唾血屬腎者因經論五液謂腎主唾水泛于上也故耳不可泥咯旣與嗽爲一類舊分嗽屬肺咯屬腎亦非腎脉上入肺中病則俱病腎亦有嗽肺亦有咯也然則何以別之曰血証由於火驚則火起于心怒則火起於肝悲傷火起于肺思慮火起于脾勞火起于腎審察病因自見言

不能盡也。張景岳謂失血証凡見喘滿欬嗽及胸膈左右背
隱隱脹痛者此病在肺也。若胸膈膈中間覺有牽痛如縷如
絲或懊憹嘈雜不可名狀者此病在心包絡也。若胸腹膨膨
不知肌飽食飲無味多涎沫者此病在脾也。若若脇肋牽痛或
多怒鬱往來寒熱者此病在肝也。若氣短似喘聲啞不出骨
蒸盜汗咽乾喉痛動氣上衝者此病在腎也。若大嘔大吐煩
渴頭痛大熱不卧者此病在胃也。若有兼証則病不止在一
藏肺病宜清降不宜升浮心主病宜養營不宜耗散脾病宜溫
中不宜酸寒肝病或宜疏利或宜甘緩不宜秘滯腎病宜壯水
宜滋陰不宜香燥尅伐胃病或宜大瀉或宜大補當察虛實

鼻衄

衄行清道經藏之血也多由腎脉而上出經藏之氣通于鼻故其血之溢者亦出于鼻張景岳曰凡鼻衄必自山根以上睛明之次而來而睛明一穴乃小腸膀胱胃陰蹻陽蹻五經之會皆能爲衄又衝脉爲十二經之血海其上俞出膀胱經之大杼下俞出胃經之氣衝膀胱胃二經血至則衝脉之血亦至而十二經之血無不至矣所以血衄之微者不過一經之近甚者連身之血盡出蓋謂衄出于肺豈其然哉 準繩云鼻通于腦血上溢于腦所以從鼻而出宜茅花湯調止衄散 嵩崖云不甚者以水紙搭鼻衝或以涼水拊頂後即止甚者犀角地黃湯對症

之藥又黃芩白芨各二兩水九治久衄神效
犀角下人腎出血胃衄者亦可用以胃脉亦上入鼻也故火鬱陽明致衄者無犀角以升麻代之以升麻陽明藥也

齒衄

此胃大腸腎三經之病蓋大腸脉入下齒中胃脉入上齒中而腎主骨齒爲骨之餘也胃火盛則血出如湧而齒不動搖或見口臭牙齦腐爛腫痛此濃酒厚味所致宜清胃火便結可下之若口不臭牙不痛但齒動不堅或微痛不甚而牙縫時多出血者此腎陰虛火動而然宜滋腎水六味丸見虛損主之若腎火虛而上浮者八味丸見虛損主之醫旨緒餘述所治三人齒衄出血甚多皆以三製大黃末二錢枳殼湯少加童便調下去黑糞

而愈緣陽明熱盛衝任二脉皆附陽明故血如潮湧若腎虛血必點滴而出齒亦悠悠而疼必不如此暴且甚也

舌衄

舌上無故忽出血線此心脾腎諸經之火所致

三經肝槐花炒皆及舌

研末糝之

或蒲黃炒爲末

準繩云文蛤散治熱壅舌出血如泉五倍子

白膠香牡蠣粉等分爲末每月少許糝患處又云肝壅則舌血

上湧服清肝之藥

按肝脉絡于舌本

耳衄

耳中出血也小腸三焦胆各脉俱入耳中又耳屬腎諸經皆足爲病龍骨末吹入則止若左關脉弦洪柴胡清肝散尺脉或躁

或弱六味地黃丸

見虛損

飢飢

血自毛孔中出曰血汗又名脉益心主血脉極虛有火則見脉
益湯入參黃芪當歸伏神麥冬石蓮硃砂薑汁生地

益疑

九竅出血

耳目口鼻一齊出血藥不及煎死在須臾先將水當面噴幾口
急分開頭髮用粗紙數層蘸醋令透搭在額門血即止次用當
歸一兩煎好磨沉香各五錢加童便服或瞿麥飲瞿麥生薑
枝子燈心炙草棗再用髮灰二錢茅根車前草煎湯下之血自
歸經然後以四物加人參五味丸服可收萬全之功 九竅出

血兼身熱不能卧者死惟婦人產後瘀血妄行九竅出血有用
逐瘀之藥而生者若無故卒然暴厥九竅出血者死久病之人
忽然上下出血亦死

搔癢出血

搔癢血出不止糞桶種燒灰敷之 呂元膺治一僧搔胸中疥

出血如湧泉竟日不止營氣暴衰止餘尺脉如絲與四神湯加

荊芥穗防風晨夜併進明日脉漸出服十全大補見虛損而愈

便血

分腸風藏毒二証

二因諸部皆致便血
一者并其大腸耳

腸風者或風邪外感或

肝風肉生風熱相合侵犯經絡血脉被阻漏出經絡之外滲入

腸胃之中從大便出隨感隨見血清色鮮者是槐花湯加茅

秦艽

即非外風亦可升陽燥濕按內風即氣也氣不順亦可用羌防輩升發之但不溫覆取汗耳故古方不分內外風統

用之也

臟毒者濕與熱合蘊積日久傷損陰絡血滲腸胃積久乃

下其色黯濁者是槐花湯加炒苦楝炒蒼朮下血腹中痛血

色鮮為熱毒芍藥黃連湯主之不痛血色不鮮或紫黑如豆汁

為濕毒黃連湯主之先血而後糞近血也出于大腸槐花條

芩烏藥先糞而後血遠血也出胃與小腸石膏山枝烏藥又結

陰便血

內經結陰者便血一升再結二升三結三升

所下純是血經不言何邪所結

景岳謂風寒之邪留結血分所致宜灸中脘氣海三里以散風

邪服平胃地榆湯以溫散之亦舉隅之論也下血太甚人參

升麻牡蠣栗壳 瘀血不可止待色鮮紅畧加瀉藥椿皮烏梅
最妙 用寒涼藥須酒煮或炒恐血凝便血日久服涼藥不應
宜升補升陽除濕和血湯有熱畧加黃連以吳萸泡水妙用虛
加人參 此病多食乾柿或生柿最效 腸風臟毒結陰並血
出腸中與五痔之血出于漏孔者不同亦與赤痢有異

溲血

痛者爲血淋見淋症門不痛者爲溺血不論何臟之血但損傷
妄行皆得滲入膀胱與尿同出蓋不上行則下趨可以滲入腸
胃亦可滲入尿胞此準繩謂溲血淋血便血三者雖前後陰不
同而受病則一其散血止血等藥無越數十品之間惟嚮導少

異其說固甚也若不與尿同出乃從精竅出也蓋精道之
上可從鼻山下亦可從精竅出多因色慾而成牛膝四物湯服
諸藥不效者所弱之血成塊不得出而痛甚者珀珠散甚效

畜血

畜血症多嗽水不嚥

言即煩熱欲飲水亦但嗽不嚥也以熱止

則小便利

此膀胱外畜血以血止

大便黑

此腸胃

畜血跌打閃撞奔

走努力惱怒皆能致之傷寒等熱証尤多

畜于上令人善忘

血畜則氣不通

時時鼻血犀角生地赤芍丹皮

畜于中則心

下手不可近桃仁桂枝芒硝甘草大黃丹皮枳壳

下則

許傷寒

生地四錢犀角一錢大黃

三錢桃仁一錢水酒煎入生漆一錢再煎服半日血不下再一服下卽止各生漆湯一切瘀血大黃四錢沈硝一錢桃仁泥六個歸尾生地山甲各一錢桂五分為丸名代抵當丸在上血尤如芥子大去枕仰臥以津嚥令停留喉下中下血丸如桐子大百沸水下若血積久此藥不能下去歸地加莪朮醋炒一錢肉桂七分又破血方予通經亦用之大黃醋煮桃仁益元散各一兩乾漆炒烟盡爲度生牛漆各五錢醋糊丸每服七十丸凡跌撲損折畜血腫痛發熱先服折銳湯大黃桃仁紅花當歸寄奴川芎赤芍大小數次再服行血破瘀湯三七當歸玄胡乳香沒藥血竭蘇木靈脂赤芍紅花然後服百和湯收功首烏地黃當

歸骨碎補白芨鹿膠續斷甘草薄荷 凡血妄行瘀蓄必用
仁大黃行血破瘀之劑蓋瘀敗之血焚無復返于經之理不去
則留蓄爲患故不問人之虛實強弱必去無疑虛弱者加入補
藥可也 好酒者多陽明畜血但牙齒蝕數年不愈者是桃仁
承氣湯料爲尤賜屢效

脉法

滿爲血少指爲血充失血脉應微細而反見浮大無力卽爲虛
邪蓋陰虛陽勝無所依浮散於外故見此象 凡失血証脉虛
小沉弱身涼者生實大急救躁動身熱喘欬氣逆不得卧
者死 瘀血腸痛肝脉弦緊此爲常勿以必死論

治法

吐血治法凡血逆上行宜降氣降氣火即降若徒以寒涼降火
往往傷脾作瀉脾寒不能行血血愈不歸經宜行血血行歸經
自止歸經非已離經之血復能返于經也但未離經者得不脫即爲歸耳若徒事止血必有瘀蓄
之患宜補肝不宜伐肝肝火動由肝血之虛滋陰則火自降用
寒涼伐肝火被鬱則怒強而愈烈矣 凡吐血屬火者飲童便
立止或搗側柏葉汁以童便三分酒一分和而溫飲之大能止
血或白湯化阿膠二錢髮灰二錢入童便生藕汁生地黃汁刺
薊汁各一杯仍濃磨好墨汁頓溫服 或急用加味四生飲生
荷葉生艾葉生柏葉生地黃各等分入降香葉覆荷服元氣虛

弱即將章便浸煎藥水九獨參湯送下或蘇子降氣湯加人參

阿膠各一錢下養正丹

並見氣氣降則血自下矣

凡土膈癰帶吐血脉有

力精神不倦覺胸中滿痛或血是紫黑塊者用生地黄赤芍當

歸丹皮荆芥阿膠滑石大黃醋製元明粉桃仁泥之屬從大便

奪之此釜底抽薪法也

蓋血從下出為順上出為逆用大黃等引血下行轉逆為順也

証下血則愈又謂無病忽患利血為病進血下行後用苡仁百

合麥冬地骨皮

鮮者更作

嗽渴加枇杷葉五味子桑白皮有痰加貝

母

皆氣清味淡肺金之本藥也

因其衰而減之於虛勞証尤宜

吐血在暑

天病人口渴面垢頭暈乾嘔煎茅花燈心麥門冬湯仍入藕節

汁側柏汁茅根汁生薑汁少許生蜜亦少許調五苓散

見傷血濕

止用生地黃當歸牡丹皮赤芍藥百草霜未煎服一二貼却用
黃芪六一湯調理。暑氣通心火毒刑肺雖致吐衄然大熱傷
氣其人必脉虛氣怯體倦息微此惟生脉散見中人參湯之屬
爲宜不得濫用寒涼。若氣不甚虛者宜局方犀角地黃湯或
枇杷葉散見中。凡肝火盛者必有煩熱脉証宜芍藥生地丹
皮梔子澤瀉芩連之屬降其火而血自消。若肝氣逆者必有
胸脇痛滿等証芍藥生地青皮枳殼貝母澤瀉之屬行其氣而
血自清。怒氣傷肝者唇青面青脉弦當用柴胡清肝散或雞
蘇丸煎四物湯吞下并用十四友丸見驚燈心麥門冬湯吞下蓋
其中有理肝之藥。其有病雖因怒察其無脈無火是逆氣已

散肝火已平無得再散再清若脉虛神因病傷及脾治當專理
中氣宜景岳五陰煎五福飲之類主之勿謂始因怒氣而專意
伐肝也 凡憂思損傷心脾以致吐血証見氣短形悴或胸懷
鬱然食飲無味或飢不欲食或魂魄驚固而臥不安是皆中氣
虧損不能攝血所致速宜救本不宜治標宜歸脾湯 飲酒傷
胃吐血宜葛花解酲湯見傷食加黃連丹皮或湯中加金鈎子乾
葛茅花 過啖炙煇辛熱上焦壅滯痛血出紫黑成塊桃仁承
氣湯導之 酒色過度飢飽吐血效方枇杷葉款冬花北紫苑
杏仁鹿茸桑白皮木通大黃爲末蜜丸嚙化 又有飽食胃冷
不化強吐之使所食物與氣衝裂胃口吐鮮血宜理中湯見中寒

加川芎扁豆或川芎乾葛勞心吐血用蓮子心五十粒糯米

五十粒研末溫酒調服及天門冬湯勞力太過吐血不止蘇

子降氣湯見氣加人參阿膠用豬肝煮熟蘸白芨末食之打撲

損傷吐血先以藕節汁側柏汁茅根汁韭汁童便麝香汁化阿

膠止之却以芎歸白芍百合荆芥穗阿膠丹皮紫金藤大黃滑

石紅花煎湯調香降香末白芨末與服或先用蘇合香丸見諸

却以黑神散和小烏沉湯童便調服凡怒力及跌打等傷吐

血宜芎歸飲引血歸經有瘀則加大黃桃仁紅花或蘇合香酒

以行之凡吐衄失血如湧多致血脫氣亦脫危在頃刻者此

際有形之血不能即生無形之氣所當急回急用人參一二兩

爲細末加飛羅麪一錢許或溫水或井花冷水隨其所好調如

稀糊徐徐服之或濃煎獨參湯徐徐服亦可此正血脫益氣陽生

陰長之理也

凡鬱証吐血

六淫七情皆能鬱氣成熱鬱于經則創鬱于府則吐

脈多枯

痿証惡風寒誤以爲虛溫補之殆矣觀其面色多滯喜作嘔噦

口苦酸卽當散鬱加味逍遙散

見

主之後用六味

見虛

滋陰

楊仁齋曰血遇熱則流故止血多用涼藥然有虛寒致血錯行

者當溫中使血歸經理中湯

見中

加木香或甘草乾薑湯甚效

醫者去血得寒而凝不歸經絡而妄行者其血必黑黯面色

必天白脉必微遲身必清涼

古人謂凡失血証多以胃藥收

功 腎寒火虛逼陽上升載血而出脉沉足冷舌必無胎卽有

亦白薄而滑雖渴不能飲冷強飲亦不能多少頃卽吐出而雖

赤色必嬌嫩八味湯

見虛損

冷服

此爲內傷之証又有外感寒邪直中腎經逼火上冲致吐血者

須服自通湯卽愈內傷漸致外感暴來分別在此

此爲雷龍之火不可直折若覺腎熱

脉洪足溫又爲水乾火炎去桂附純用六味

見損

熱嗽血治法宜金沸草散

見咳

加阿膠一錢痰盛加瓜蒌仁貝

母 癆嗽有血宜補肺湯加阿膠杏仁桑白皮各一錢吞養正

丹見氣或三妙丹間進自花膏或七傷散大阿膠九、陰虛火動

嗽血滋陰保肺湯

痰帶血絲出童便竹瀝止之

感冒小恙

不知解表過服寒涼肺經之血凝滯咳嗽帶痰而出証惡寒而

脉緊或寒束熱于肺久嗽出血麻黃桂枝甘草湯歸杏仁枳梗

後証宜加得微汗愈血証最忌汗清涼之品惟此當汗耳

咯唾血治法癆瘵咯血七珍散加阿膠當歸各半錢惡甜人更
加百藥煎半錢仍調鍾乳粉爲佳一味鍾乳粉用糯米飲調吐
血嗽血亦治因飽屈身傷肺吐血者白芨枇杷丸或白芨
蓮鬚散治咯血黃藥子漢防已各一兩爲末每服一錢水一
盞小麥二十粒同煎食後溫服白芨二兩藕節半兩爲末每
一錢湯調下新綿灰半錢酒調下苡仁爲末煮熟猪胰切片
蘸藥食後腹微空時服

鼻衄治法亂髮燒存性細研水服方寸七併吹鼻中萱草根
汁每一盞入生薑汁半盞相和細呷竹蛀屑水調服線紫

中脂中節左鼻出紫左指右出紫右兩出兩紫之 有頭風自

衄頭風經發則衄不止宜荳附飲間進一字散 下虛上盛而

衄不宜過用寒劑宜四物湯加參芪麥冬五味磨沉香下養正

丹見氣人味地黃丸見虛傷濕而衄腎精湯見傷加川芎各除

濕湯 伏暑而衄茅花湯調五苓散見傷飲酒過多而衄茅

花湯加乾葛雞距子或理中湯見中去乾薑加乾葛茅花 損

而衄不止蘇合香丸見諸一丸或以小烏沉湯一錢白湯調下

或煎濃紫蘇湯獨調小烏沉湯或添入黑神散一錢鹽湯調下

亦得仍暮然以水醢其面使驚則衄止非特衄凡五竅出血

皆治 衄後頭暈四物湯十全大補湯見虛

洩血治法先與生料五苓散

見傷濕

和四物湯若服藥不效其人

素病於色者此屬虛証宜五苓散和膠艾湯吞鹿茸丸或八味

地黃丸

見虛損

或鹿角膠丸或辰砂妙香散

見心痛

和五苓散吞二

項九子若小便自清後有數點血者五苓散加赤芍藥一錢亦

有如砂石而色紅却無石淋之痛亦屬虛証宜五苓散和膠艾

湯或五苓散和辰砂妙香散吞鹿茸丸八味丸鹿角膠丸灰

髮二錢茅根車前草煎湯調下夏枯草燒灰存性爲末米飲或

涼水調下

便血治法發熱煩躁不欲近衣大渴脉洪以無日痛鼻乾知非

曰虎証此陰虛發躁當以黃芪一兩當歸一錢煎服風冷入

客腸胃下瘀血如豆汁八珍湯見虛損去生甘草加桂名胃風

湯暑毒入腸胃下血者一味黃連煎湯飲酒積下血不止

糞後見神麴一兩半白酒藥二丸為末水調作餅慢火炙黃為

細末每服二錢白湯調下腸風腸痛肛腫敗毒散見傷濕加槐

角荆芥或槐花湯枳殼散臟毒腹畧瘰肛腫凸大便難通先

以拔毒疎利之劑追出惡血膿水然後內托并涼血祛風虛熱

參朮助養胃氣下血久回色痿黃漸成虛憊宜用黃耆四君

子湯見下斷紅丸氣虛脫血補中益氣湯見中氣中壘臟腑敗

壞下血如雞肝如爛肉其証唾水沉心腹絞痛馬蘭根末水服

方寸匕蠱隨吐出蝟毛燒末水服方寸匕亦吐苦瓠一枚

水二升煮取一升服亦吐

畜血治法仲景抵當丸難用用韓氏生地黃湯 虛人難下者
以四物湯加穿山甲煎服妙亦有用花蕊石散以童子小便煎
服或酒調下

補虛 熟地 歸身 枸杞 黃肉 棗仁 菴蓉

潤燥 蜜 當歸 阿膠 栢子仁 乳酪

涼血 二冬 生地 冬 連 梔子 知母

黃栢 元參 花粉 丹皮 白芍 犀角

胆草 槐花

溫血 附子 肉桂 黑薑

止血 櫻灰 髮灰 童便 茅花 烏梅 白芨

栝葉 藕節 地榆 蒲黃黑炒 百草霜

椿白皮

行滯 瞿麥 川芎 香附 乳香 沒藥 韭汁

生牛膝 滑石 蒲黃生用 玄胡索

益母草 五靈脂

破結 天黃 苾芎 桃仁 紅花 三稜 莪朮

姜黃 歸尾 花蕊石 蘇木多用

舉陷 荆芥穗 升麻 川芎 柴胡 荷葉

有三藥必用二藥必禁服寒涼百不一生則知母黃栝宜禁服

童便百不一死則童便宜服血雖陰類運之署陽荷葉仰
震最能運血則荷葉宜用降氣莫善於降香則降香宜用也
如此勿泥

○發熱

發熱者熱之發現於肌表者也凡病多發熱熱生於火火本於
氣丹溪謂氣有餘便其理不外氣乖與氣鬱二端小兒痘疹

氣乖有三

一曰陽亢發熱

陰陽水火原自和平不熱不寒是謂正氣一有乖違不無偏勝
經曰陽勝則熱此為亢陽之火証見煩渴燥結小便赤澀六脉

洪敷治宜寒涼

有因濃酒厚味蘊釀而成者有炎令燥氣感觸而致者有五志過極心火亢暴者

一曰陰虛發熱

血虛同

陰虛謂腎水虛也火性本上炎而外現得水以制之則離交於

坎龍潛於淵內蘊而為神明下濟而成交泰若陰虧水虛則柴

乾火烈而焚灼為災矣

或由色慾損精或由瀉利亡陰或由燥熱傷液皆能致之也

此之火

炎乃由水虛所致與上條陽亢而陰未虧者不同証見口乾體

瘦食少懶倦頭痛時作時止遺精盜汗骨蒸內燥唇紅額赤咳

嗽痰血久成癆瘵治宜甘潤之劑滋水以制火若誤用苦寒則

火被寒憐其怒發愈烈矣按薛立齋治一老人腎虛火不歸

經而游行於外發熱煩渴引飲百俱赤徧舌生刺歛縮如荔枝

枝兩唇焦裂或時喉間如烟火土冲急飲涼茶少解兩足心如

烙痰涎壅盛小便頻數喘急脉洪數無倫而且有力捫其身烙

手以十全大補見虛損加山茱萸澤瀉丹皮山藥麥冬五味附子

及八味丸見虛損治之而愈愚謂此証明是水虛火炎當用六味

見虛損而用前藥者必因其人年老水火並虛故爾如火不虛不

得因此案而誤用溫熱以致陰分愈傷也虛不論水火脉皆無

服寒涼之劑激之使然故凡用寒藥直折者必須熱服不効則

藥須用薑汁或酒炒過服之即愈亦防醫過之意也再按此

証全似實火然虛火較實火必反烈以其離根浮越全體外現

此實火之內熱透外輪光埋露者自不同也已任編云有誤服

白虎以致熱甚如燔沖開三五尺血虛發熱或由吐衄便血或

由產後崩漏一切失血所致証見煩燥面目黑渴飲不止証類

白虎惟脉不長不實浮大而重按全無為異耳誤服白虎必危
治宜滋陰補血若陽並虛兼用氣藥血脫補氣陽生陰自長也

一曰陽虛發熱

陽虛謂腎火虛也陽虛應寒何以反發熱則以虛而有寒

但陽虛則止自見

其不足不能發熱

寒在內而格陽於外故外熱

陽被寒拒出居肌表外越則脫

不脫而又不能內返則

格閉而激發為熱也

寒在下而戴陽於上故上熱也此為無

根之火乃虛脫耳証見煩燥欲坐臥泥水中面赤如微酣或兩

頰淺紅游移不定

與實熱之盡面通紅者異

渴欲飲水或咽喉痛而索水置

前却不能飲肌表雖大熱而重按之則不熱或反覺冷且兩足

必冷小便清自下利清穀脉沉細或浮數無力按之欲散治宜

濕熱之潮溫其中而陽內返溫其下而火歸元誤投寒涼立死
或曰食冷物或鼻吸寒氣其人平素陽虛陰盛外寒一中陰邪遂張真陽因之失守也

氣鬱有七

一風寒鬱熱

陽氣自內達外喜暢達而惡遏閉若風寒外襲則陰凝之氣足以閉固腠理而表陽不宜則鬱而爲熱也証見頭項強痛惡風汗出脈浮緩者爲傷風兼體痛而惡寒無肝脈浮緊者爲傷寒治宜解肌發表得汗則熱泄而愈此乃表陽受鬱

一飲食鬱熱

飲食停滯中脘則脾胃之陽氣破其遏抑不能宣通亦鬱而成

熱証見頭痛發熱如傷寒而身不痛惡食欲吐嘔腐吞酸胸口

飽悶或脹痛氣口脉滑大甚或沉伏治宜消導此乃裏氣受鬱

一爲痰飲鬱熱

痰飲所在之處氣被阻滯鬱而成熱理同食滯証見惡風自汗

似傷寒但頭不痛項不強或頭痛而作止無常胸膈不快惡心

氣上沖目下如灰色或烟黑脉弦滑治宜除痰

一爲瘀血鬱熱癰疽同

理同痰飲証見小便利大便黑小腹臍或胸脇急結按之痛或

兩足厥冷或吐紅鼻衄不渴即渴亦嗽水不嚥脉必澀治宜行

血柴胡黃芩川芎白芷桃仁五靈脂甘草俱結加大黃濃蜜利

世黑物愈 瘡毒則脉弦數惡寒飲食如常而有痛處

一爲水濕鬱熱

水濕由外感者理同風寒由內傷者理同痰飲証見身重或腫痛不可轉側骨節掣痛屈伸不利汗出惡風不欲去衣頭如裹聲如從壑中出脉遲緩治宜利濕

一爲肝氣鬱熱

悲怒不發止自摧抑則肝氣不宜鬱而成熱婦人最多此証証見胸脇脹痛或飧泄面青手足冷太息不樂脉沉弦木鬱則達之宜逍遙散

見

一爲脾氣鬱熱

或勞倦氣散或思慮氣結或飢餓氣餒中氣因而衰微不能運
行或滯于中或陷于下而鬱滯成熱証見怠惰嗜卧行動喘乏

四肢困倦

此勞倦飢餓傷

或時自言自語不知首尾

此思慮傷

夜分即熱

裏親下放滯

天明暫緩

乳外山上升鬱陷得

或晝夜不解

此熱

甚不分

或日出氣喧則熱天陰夜涼則緩

皆熱又久則氣耗散

晝夜欠熱晝動陽浮故加煩熱動散靜存故天陰夜涼則緩緣初則鬱

熱而生火繼則火發而熱刺絡則火壯而氣耗節次如此乃病

成而變之理

五心煩熱九則肌肉筋骨如燒此李東垣所謂陽

虛發熱也

此在內經名陰虛發熱陰字當內字看東垣名陽虛

與上條陽虛發熱戴陽陷陽症不同蓋此為中焦之陽彼為下

焦之陽彼格陽是內寒而外熱此則內外皆熱而無寒戴陽是

上熱而下寒此則熱反下陷而無寒故不同也治宜培補中氣
氣旺則滯者通氣升則陷者舉矣五藏皆証止舉肝脾勞倦者
餘當於諸証門求之
加酸味以斂其浮越

右疏發熱之理至熱分藏府經絡三焦晝夜血氣虛實詳後
一熱分藏府經絡

東垣云五藏有邪各有身熱其狀各異脈皆洪數而有浮沉之別以輕手捫

之則熱重按之則不熱王海藏謂皮膚如火燎重按則不甚熱然則東垣所云不熱非全不熱也特不

甚熱耳是熱在皮毛血脉也在皮毛者屬肺熱申酉尤甚肺金

下微此時症見喘咳灑淅惡寒輕者瀉白散重者涼膈散白虎湯地骨

皮散之類治之白睛赤煩渴黃芩一物煎湯丹溪清金丸卽黃

苓為未弼丸二方瀉肺中血分之火瀉白散瀉肺中氣分之火

在血脉者屬心熱日中益甚症見煩心掌中熱以黃連瀉心湯

瀉下導赤散瀉丙火府丹見淋可了俱瀉硃沙安神丸見煩清涼

飲子見傷之類治之重按至筋骨之分則執熱手極甚輕摸

之則不執是熱在筋骨間也在筋者肌肉之上也屬肝熱寅卯間

甚或寅年症見胸膈滿悶便難轉筋多怒善驚四肢困熱筋痿

不能起床瀉青丸柴胡飲見虛損之類治之或當歸龍薈丸見肺痛

左金丸在骨者屬熱亥子尤甚骨蒸酥酥然如蟲蝕困熱不任

任亦不能輕於床滋腎丸見小便不通六味地黃丸見虛損主之輕捫

重按俱不熱不輕不重按之而執是熱在肌肉也屬脾熱遇夜

尤甚脾陰土症見怠惰嗜臥四肢不收無氣以動實熱以瀉黃

散調胃承氣湯見大便不通治之虛熱以人參黃芪散補中益氣湯

氣治之胃中熱則消穀令人懸心善飢臍已心神被火灼故懸懸不安也

上皮熱胃房腸上也腸中熱則出黃如糜糜解也臍已下皮熱腸居臍下也

由是推之肝胆熱則脇亦熱心肺熱則胸背亦熱腎熱則當腰

亦熱矣兩手太熱如在火中為骨厥灸湧泉穴三壯立愈手

足心熱梔子香附蒼朮白芷半夏川芎為末神麴糊丸五心

煩熱火鬱脾中火鬱湯三物黃芩湯見煩燥治婦人四肢煩熱

熱時發時止知不在表在表則常熱也大小便如常知不在裏非表

非裏是在經絡也

一熱分三焦

熱在上焦咽乾口爛梔子黃芩熱在中焦心煩口渴黃連芍藥
熱在下焦便閉溺赤黃柏大黃

一熱分晝夜血氣

詳思來篇未

晝熱夜靜是陽邪

即熱邪

自旺於陽分也

陽分者表也府也氣也陽邪在陽分遇陽時故

晝靜夜熱是陽邪下陷於陰分也

熱邪入血室症日輕夜重可見詳傷寒少陽篇

夜俱熱煩燥是重陽無陰當亟瀉其陽峻補其陰晝熱在氣

分柴胡飲

見虎損

白虎湯以瀉氣中之火

陰虛者不宜用

夜熱在血分地

骨皮散清涼飲子

見傷燥

以瀉血中之火

一熱分虛實

血肉充盛支毛榮潤陰有餘而熱及能食而熱口苦乾燥大便
難脈洪盛者為實熱骨痿肉燥筋緩血枯皮聚毛落陰不足而
熱及不能食而熱氣短脈虛者為虛熱

潮熱

有作有止如潮水之來不失其期一日一發

熱者火也火氣所
在之經必乘本經

氣旺之時而發如心經熱則潮于午
腎經熱則潮于子之類已詳發熱門

若日三五發即是發熱不

名潮熱矣潮熱有虛有實傷寒日晡潮熱胃實也已詳傷寒論

餘症潮熱若大便結澀小便赤短喜冷畏熱睡臥不安此氣盛

也

或見發熱

或小柴胡湯

見寒熱

或氣乏食少神疼體羸病雖

暫去而五心常有餘熱此為虛茯苓補心湯十全大補湯養榮

湯

見二方俱
見虛損之類

病後欠調理者八珍散。症似虛而胸膈痞

滿背心痛服補藥不效者痰飲也隨氣而潮故熱隨飲而亦潮

五飲湯

夜微熱病人不自覺早起動作無事飲食如常既無

別症可疑只是血虛陰不濟陽宜潤補宜上條茯苓補心等湯

脉滑有宿食常暮發熱於傷食門求之。血虛五心熱夜劇

者四物二連湯

熱病愈後餘熱伏留在經復發熱者小便清

利誤用寒涼致中氣虛寒無以托邪不能行散大劑參朮等補

之戰汗而解血虛加歸地

○惡寒

輕則畏怯
重則戰慄

惡寒分內傷外感

外感惡寒有四

一傷寒初感

傷風惡風傷寒惡寒猶傷酒惡酒傷食惡食也盛表陽被邪所

鬱方欲就溫煖以宣通故惡寒之過閉未發熱時固惡即發熱

時亦惡不欲去衣被甚而近火猶凜當暑亦惡不論有風無風

皆生畏怯惡寒與惡風稍異惡風者有風乃惡無風則否不若惡寒之有風無風皆惡也必待表解方

罷症必發熱無汗頭項強痛脉浮緊所謂發熱惡寒發于陽也若不發熱而

惡風踈臥則為直中陰症矣所謂無熱惡寒發於陰也按傷寒論少陰厥陰篇俱言惡寒而太

陰篇無之關文耳蓋六經皆有惡寒妄生分別便非

一為傷寒陽邪深入

傳經陽邪深入陰分熱鬱於內表氣不通手足厥逆惡寒狀若陰症所謂惡寒非寒明是熱症者此也

一爲傷寒將解

按傷寒論辨脈篇曰脈浮而緊按之反芤此爲本虛故當戰而汗出也其人本虛是以發戰以脈浮故當汗出而解也若脈浮而數按之不芤此人本不虛若欲自解但汗出耳不發戰也蓋傷寒欲解正氣實者邪不能爭則汗出而解不發戰若正氣本虛邪與正爭則先戰而後汗若但內慄而汗不出則正氣虛極無以托邪爲危候

一爲羣疾發作

瘧邪與衛氣相爭正爲邪滯內鬱不通不達於表則表寒不行於裏則裏亦寒故外戰而內慄也

內傷惡寒有五

一爲陽衰表虛

此經所謂陽虛則惡寒也治宜薑附參耆之類助陽固表 又

有痺氣一症帝曰人身非衣寒也中

指藏府言

非有寒氣也寒從中

生者何岐伯曰是人多痺氣也

寒濕之氣凝閉於肌體

陽氣少陰氣多故

身寒如從水中出此則陽衰而兼寒實者也

一爲陰乘陽位

上焦陽虛下焦素有陰寒之氣發動乘虛上于故惡寒也

一為陽氣鬱陷

或酒食痰血水濕瘡毒鬱抑陽氣于裏不達于表或勞倦鬱抑中氣下陷不能升發則表虛而怯寒也或發之或吐之產後血熱孔脹皆能觀邪塞上焦不通抑遏陽氣東垣用升陽益胃湯丹溪用吐法吐出濕痰使陽氣隨吐升發可見矣

一為熱盛氣散

熱盛於裏火能生風冲突元氣氣從火散故凜凜而寒甚則振

顫鼓頷咬牙戰慄如喪神守有以大承氣湯

見大便不通

下之而愈

者此外假寒而內真熱之症也

此為陽盛格陰與陰盛格陽相反陽指內熱言陰指外寒言內

熱外寒兩相格拒所謂陽盛格陰也

一為肺被火刑

肺主皮毛熱則氣張汗越失其斂肅之權腠理虛疎不任風寒故惡之

右明惡寒之理至內傷外感之辨晝夜之分詳後

一內外之辨

外感惡寒雖近烈火不除內傷惡寒得就溫煖則解

一晝夜之分

促寒者陰氣

即寒邪

旺於陰分

為裏為臟為血

晝寒者陰邪加於陽分晝

夜俱寒者重陰也

與發熱為熱分晝夜條對看更詳味下條自明

陽虛則畏寒而惡陰故旦安而暮亂

至夜則寒也

陰虛則畏熱而

惡陽故夜寧而朝爭晝則此正虛之候也陽邪實者遇陽而

愈旺故朝熱而暮輕陰邪實者逢陰而更強故夜寒而晝減此

邪實之候也陽虛而陰邪乘于陽分則氣行陽二十五度而

病發故日寒而夜息陰虛而陽邪陷于陰分即血分也則氣行陰二

十五度而病發故夜熱而晝涼或夜發可見矣此正虛挾邪之

候也其有晝夜俱熱甚者為重陽無陰晝夜俱寒甚者為重

陰無陽晝寒夜熱者為陰陽交錯也其有久病虛弱無分晝

夜作止不時者以正氣不能主持而陰陽相乘勝復無常也若

醫人初病見此又為邪正相安不時擾動之故

觀傷寒少陽証往來寒熱初無定期可見矣
○寒熱往來及內外上下寒熱者言之

往來寒熱有期者瘧也無期者諸病也有傷寒邪在少陽及婦

人病傷寒熱入血室而往來寒熱者詳傷寒少陽篇有衰弱人陰陽之

氣並虛相為勝復而往來詳傷寒平脈篇病後產後多有之

產後黃芩丸有鬱抑而致者如寡婦尼姑獨陰無陽慾火熾于中則

內熱不得遂而氣鬱于裏不外達則表寒久之鬱熱得伸則表

熱是也和陰地黃丸有宿食結滯者輕則消導重則下之有結熱在

裏者大柴胡湯見瘧又氣鬱則痰停而寒熱作理詳龍門

外熱內寒仲景云身大熱反欲得衣者熱在皮膚寒在骨髓也

活人云先與桂枝湯見傷寒治寒次與小柴胡湯治熱按二方謬

甚此証大抵陰盛格陽用二方殆矣

外寒內熱仲景云身大寒反不欲衣者寒在皮膚熱在骨髓也

活人云先與白虎加人參湯見發熱治熱次與桂枝麻黃各半湯

治寒按熱人三陰其表必冷以陽陷於內不達於表也但去裏

熱則陽氣復還於表而外寒自解其可印定此二方乎

上寒下熱腸上寒靈樞云先刺項太陽大野天久留之久留以

已刺謂已入針則熨項與肩脾兼用熨法令熱下合乃止上熱與下

復上寒下熱所謂推而上之者也謂推而上之者也需圭尊生書用炒桅二錢半

瞿麥五分物沉降引上寒入下炙草三分葱白三根薑三井

行以廣上焦之寒煎服叔和謂此為陽附陰言陽火下乘於

陰部也

上熱下寒叔和謂此為陰附陽言陰火上乘於陽位也經云視

其虛脈而陷之於經絡者取之氣下乃止所謂引而下之者也

上熱下寒則在下之脈必虛虛必陷下須察視之虛者不可見而陷者可見故視其陷下之在干經或在干絡則取而補之俟

陽氣下行乃止針東垣云上熱下寒經曰陰病在陽陽上焦也言陰當

從陽引陰言當從上焦引去其熱必須先去絡脈經隧之血指陽經脈絡言須刺出血

以去其熱若陰中火旺上騰於天天謂上焦致六陽上焦陽氣反不衰而上充

者即經所謂陰病在陽也先去五藏之血絡陰絡也引而下行引火歸下天氣降

下則下寒之病自去矣慎勿獨瀉其六陽只去陰火只損血絡

經隧之邪勿誤也又云聖人以上熱下寒是有春夏無秋冬也

有升當從天外猶云天上引陽降入地中此乃天上群陰火熾

無降

猶言陰火上乘反助六陽不能衰退先于六陽中決血絡出血使氣下

降故經云視其虛脈下陷於經絡者取之所謂引而下之也病

大者三稜針決血去陽中之熱使得行秋令奉收道下降入地

中也

按經言視脈虛陷取之謂取其穴而補之也東垣誤以爲瀉故有此論又疑獨瀉於陽爲非故又言須去五藏之虛

絡總由不明經語耳楊參政年踰七十病面黡赤若飲酒痰稠粘眩運兩

寸脈洪大尺脈弦細無力上熱下寒明矣欲藥之爲高年氣弱

不任記先師所論凡上熱猶鳥巢高巔射而取之卽以三稜針

于巔前髮際刺二十餘出紫血約二合許卽時頭目清利諸苦

皆去後不復作又治姚公六十有七頭面赤腫而痛耳前後腫

尤甚胸中煩悶嗑咽不利身半已下寒足脛尤甚脈浮數按之

弦細刺腫處五十餘痛止又灸氣海百壯助下焦陽氣退其陰
寒次灸三里各七壯以引陽氣下行足脣寒退遂制既濟解毒
湯以黃芩黃連酒製瀉上熱桔梗甘草佐諸苦藥治其熱升柴
以散之連翹散結消腫酒煨大黃引苦藥上行止煩熱全愈
按此症有實熱者如上二案治法可也若虛熱則是戴陽症也
不用熱劑溫腎以引火歸原而反用寒涼殆矣審之

○諸中總論

諸中謂中風中寒中暑中濕中氣中食中惡也皆卒然仆倒昏
不知人若痰涎壅盛咽喉作聲証在危急但見閉証牙關緊閉
兩手握固是不見脫証者詳不論何中且先與治痰通關並可用麻油搗

汁竹瀝調蘇合丸虛寒者三生飲加人參竹瀝薑汁挾開口灌之如挾不開則令人合藥口內以竹管吹入其鼻自能下咽二藥必是閉非脫者方可用若止中血脉不入藏府亦勿輕用恐引邪入內且先用通關散細辛皂角菖蒲爲末或加南星生半夏薄荷末吹鼻得嚏則甦又痰壅宜吐急救稀涎散猪牙皂角肥實不吐者四挺去黑皮各礬光明者一兩爲細末輕者五分重者七分溫水調灌又礬震丹揀好石綠研水飛再研取二三錢同冰片三厘豆許研勻以生薄荷汁溫酒調服二藥不大嘔吐但微微令涎自口角流出卽甦又本門方載此二方與此大同小異酌輕重用之無汗表實三暍散有汗裏實四礬丸皆吐藥也 若

見口開心絕手撒脾絕眼合肝絕遺尿腎絕聲如鼾肺絕此為脫症不治

五症不全見者速灸臍下氣海穴服參芪膏亦有生者切忌蘇合

牛黃等九牛黃九見中風髮直吐沫搖頭上攛面赤如粧或赤黑汗

綴如珠皆不治 諸中或未甦或已甦或初病或久病忽吐出

紫紅色者死 卒中眼上戴不能視者灸第二第五椎骨上各

七壯一齊下火炷如半棗核大涎涎潮卒當攏扶火煖室中正

坐沃醋炭火內當面薰之氣入鼻內良久涎之聚於心者自収

歸舊處立甦不可令吃一滴湯水恐涎繫於心絡不能去必成

廢人

卒仆六脉多沉伏邪滯於裏氣不外達也亦有洪盛者暴仆時多沉伏甦醒時即轉洪盛矣

卷之五 雜考 一 昏中 蘇合香丸

浮緩吉堅大急疾凶 浮進為寒 虛大為暑不當暑言非則

為虛浮澁為濕 浮大為風 浮數無力亦為風 微而數沉

而遲皆氣中 風應人迎氣應氣口洪數為火滑為痰 更當

察時月氣候及其人之起居飲食參以顛証以定病之主名

○中風

其証卒然仆倒昏迷不醒痰涎壅塞咽喉作聲或口眼喎斜四

肢癱瘓或半身不遂或口噤舌強瘖不能言卒倒者中藏重証

輕証 風有外風有內風內風者即人身中之氣也經曰人身

地之疾風各之又氣有餘便是火 外風由於外感內風由於內

傷此証有純是內傷者有內傷而兼外風者從無純只外風者

若單只感冒外風不過為頭疼發熱自汗等輕証如仰景傷寒

論所云而已烏有昏迷卒倒瀕於死亾如前所舉諸重証哉前項

重証皆由內傷虧敗而然風若非寒縱極狂暴無令人昏倒之事惟西北方寒風令人凍僵仆倒則有之然此即屬中寒不

名中風矣按王安道謂卒暴僵仆等証替人以為外中於風及劉

河間李東垣朱丹溪出所論始與昔人異河間主火東垣主氣

丹溪主濕詳反以風為虛象蓋三子以相類中風之病混同立

論致使後人狐疑云云後人祖其說咸以古人所言者為真中

風三子所論者為類中風張景岳又謂三子所論與外中風邪

無涉固不可以申風名之并不可以類中風名之直名之為非

風可耳按三子所論乃指內風立說與外感之風對講內風

外風皆可云中故子仍舊概以中風名之使人知有內風之義
非故與王張諸公立異也

內傷兼外風証

靈樞經云虛邪

即外風

偏客於身半

因其人半身血氣空虛故風邪偏客之

其入

內居營衛營衛衰則

真氣去邪氣獨留

發為偏枯

偏謂半身枯

枯廢也

血氣

衰乃偏枯其非

外感即偏枯可知可見外感風寒必無卒仆及偏廢等証惟內傷前後右

身偏

不用運動

也即半

而痛

血氣為邪

言不變志

不亂

邪未入藏府

神明不亂也

病止在分

身不遂

而痛

血氣為邪

言不變志

分腠理

之間巨針取之

刺經絡以通其血脈

益其不足

損其有餘

乃可復

也

也

也

也

也

也

也痲之為病也

經謂山風有四

一日偏枯

如木之根本末甚枯

而一邊枝幹先萎也

即上証

二日風痺

即下証

也

也

也

三日風痺

謂奄然忽不知人也

即中藏証

身無痛者

病在裏故

四日風痺

謂痺証因風所成者也

詳痺門

外不痛也

也

也

也

也

四支不收

如癱瘓是也癱者但也筋脉弛緩也然不舉也換也血氣散渙而無用也慢倫枯止病半身者為

矣

志亂不甚其言微知

其言尚可曉也

可治甚則不能言不可治也

仲景謂中風絡脉空虛

經絡之血氣虛

賊邪不瀉或左或右邪氣反緩

邪謂故緩也緩遲滯強維之意

正氣即急

正被邪迫故急迫也如左被邪氣凝滯而寒則迫正氣于右而熱故右之

筋脉端急也

正氣引邪喘僻不遂

謂口眼歪斜

邪在於絡肌膚不仁

麻木不邪在於經即重不勝

經分著邪筋脈廢而不用則邪入轉助艱難故重或兼濕氣也

於府即不識人

中府必歸胃胃熱蒸液成痰由胃之大絡入迷心竅故不識人也

邪入於藏舌

不能言口吐涎

中藏必歸心舌者心之苗心經痰滯筋脉不靈無以運舌故舌強難言心火上蒸舌下廉泉穴

開喉吐涎也

東垣則分中血脉

蓋兼仲景中絡中經言之

者外有六經之形症中府者內

有便弱之阻隔二便不通中藏者痰涎昏冒卒倒口不能言不識人

東垣所謂中藏蓋兼仲景中府言之

中血脉者偏枯至耕麻木者是小續命湯加減分六經証治之証見太陽

無汗惡寒此傷寒也非中風也然風每兼寒故通言之本湯倍麻黃防風杏仁併針至陰

崑崙舉端有汗惡風本湯倍桂枝芍藥杏仁針風府証見陽明無汗身

熱亦是傷寒証不惡寒傷寒惡寒傳至陽明則不惡寒而反惡熱本湯加石膏知母各二

兩甘草一兩有汗身熱不惡風本湯加葛根二兩倍桂枝黃芩

針陷谷刺屬兌証見太陰無汗身涼傷寒在三陽經則身熱傳至太陰則熱入於裏身但微溫今言涼者

蓋主通中言也本湯倍附子加乾薑二兩甘草三兩針隱白証見少陰有

汗無熱太陰不言有汗少陰不言無汗當是互文本湯倍桂枝附子甘草針太若無

此四証而但見少陽厥陰証者或六經証混淆者或肢節攣痛

麻木不仁者每本湯八兩加羌活四兩連翹六兩其証見少陽者灸絕骨見

厥陰者刺大敦以引其熱按小續命湯乃麻黃桂枝之交方

止可用于中血脈然亦不可輕用內熱熾者尤忌蓋以

日眼喝斜肌膚麻木不仁為中絡形氣實者烏藥順氣散虛者

大秦芩湯以喝斜癱瘓不遂為中經實者換骨丹虛者小續命

湯黃耆五物湯按六經形証在傷寒以頭疼腦後項強背痛屬太陽以

頭痛額目痛鼻乾屬陽明頭痛兩太陽脇痛嘔口苦寒熱往來

屬少陽此皆以其經脈所行之部分言也若太陰之腹痛自利

飲食不消腹脹噎少陰之脈沉細但欲寐唾沫善恐奔豚骨痛

氣身重黃腫亦是足下熱厥陰之消渴氣上撞心等証閉癰遺尿小門則皆以

痛亦是厥陰之消渴氣上撞心等証痛而嘔逆亦是

其經脈受邪之為病言之然三陰主裏病輒經藏相連病在經

者有此証入藏者亦有此証何以別之曰三陰入藏則身無熱

在經則身熱

觀傷寒論三陰証以發熱爲邪還于表可悟

則但有身熱惡風寒而

內無便溺阻隔及昏迷等証則可知爲爲在血脉之表而不在

藏府之裏矣抑又思之此皆以足經言耳豈手經獨無可言者

乎考其經脉可知也再按六經形証可參下文中府兼中藏

條

中府者內有便溺之阻隔

大小二便不通也利於飲食者亦是

三化湯

或局方痲仁丸通利之

金鉉實者三化湯虛者搜風順氣丸

若外無六經之形証內無便溺之阻隔而但手足不能運動

舌強不能語言乃血弱不能養筋故也大秦元湯養血而筋

自榮 若內外証俱有先解表而後攻裏表裏邪既解當服

愈風湯以行中道行中道猶云和解久服大風盡去縱有微邪亦從

愈風湯加減治之然治病之法不可失於通塞塞固不可太通利亦不可

也或一氣之微汗十五或一句十日之微利內外分解使餘邪盡出也問此

証既兼內傷何得數為汗下不顧虛虛則曰虛者自虛實者自實不去其邪何以存正庸醫惟知溫補反訾古人亦可哂矣

久之清濁自分營衛自和矣

中藏者痰涎皆胃至寶丹活命金丹之類內有麝香入脾治肉

牛黃入肝治筋龍腦入腎治骨中血脉中府者不可用恐其通

竅而引邪入筋骨不能出也金鑑實者牛黃清心丸虛者參附湯挽症見者倍參

中府多兼中藏如左關脉浮弦面青左脇偏痛兩脇皆肝部位而左脇尤

肝所筋脉拘急筋肝主目目閉於目頭目眩肝水手足不收坐蹠不

得皆筋也此中胆兼中心犀角散之類如左寸脉浮洪面赤汗多

汗為心液心神顛倒舌強言語蹇澀心脉上忪悸恍惚此中小腸兼

中心加味牛黃散之類如右關脉緩或浮大面唇黃汗多脾盛也

身重怠惰嗜臥肌肉瞤動不仁脾主肌肉腹脹不食脾氣不運此中胃兼

中脾也防風散之類如右寸脉浮瀉而短鼻流清涕多喘肺氣上壅

胸中胃悶胸中肺之部分也氣短聲嘶肺主聲音四支痿弱肺熱則痿此中大腸

兼中肺也五味子湯之類如左尺脉浮滑面目黧黑腰脊痛引

小腹不能俛仰兩耳虛鳴骨節疼痛足痿善恐此中膀胱兼中

腎獨活散之類按中藏必有痰涎壅胃卒倒等危証非只此等此等特用以分別其為何府藏耳

治風之法初得之當順氣

順氣則可破氣
源氣則不可

及其久也當活血

物

湯香活絡
丹即此義

若不順氣徒用烏附又不活血徒用防風天麻羌活

輩未見其能治也按中風必由於真氣虛則宜補氣以順之

黃芪

人參必
用之藥

氣虛而逆冲則宜降氣以順之

沉香
之屬

氣虛而滯則宜宣

導以順之

木香陳
皮之屬

皆所謂順也

氣熱則涼之氣寒
則溫之亦為順

熱則血枯滯

寒則血凝滯或滋潤以活之或溫行以活之皆所謂活也

此

証未有不因真氣不周而病者故黃芪為必用之君藥防風為

必用之臣藥黃芪助真氣者也防風載黃芪助真氣以周于身

者也亦能發散風邪許亂宗治王太后中風口噤煎三藥薑之

而愈況服之乎多怒則加羚羊角渴加葛根汁秦芫口噤口喎

亦加秦艽恍惚錯語加茯神遠志不得睡加酸棗仁內熱加梨
汁人乳生地黃汁痰多加竹瀝荆瀝少佐以薑汁治此証用諸
汁最妙以其行經絡滲分內提於諸藥也

已上所論乃內傷而兼外風者也蓋內傷氣血虧敗日久有所
觸則隨觸而發故一遇外感風寒而卒然倒仆顯出如許危証
知非一朝一夕之故矣

○內風証

內傷虧敗日久極則必發不必有所感觸也

久病或產後多有
累脫之正法若密

寧豈有
外感哉

劉河間則主乎火謂熱甚生風非肝木之風

如云不必泥
定肝風耳亦非

外感之風由將息失宜五志過極心火暴盛腎水虛其不能制

之熱氣得憊心神昏冒故卒倒無知病微則但僵仆氣血流通

筋脉不掣發過如故重則氣血鬱結不迫陰氣暴絕陽氣後竭

而死其說甚是然既曰火盛由于火虛則當用六味乃反用地

黃飲子熱劑者以火發而陽暴脫也若腎火未虛者只以降心

火為主清心湯瀉心湯大劑與之俟心火既降次以防風通聖

散汗之內火亦用汗散者蓋火雖已降而浮盛于表者未散故汗之使外越也或大便閉塞者一

化湯下之內外火邪已盡以羌活愈風湯調之宣其氣血導其

經絡通其若腎水虛虧命門真火挾肝風上冲者大劑六味地

黃丸料見虛煎服若竟至陽脫宜先用參附大劑峻補其陽而

後實其陰繼以生脉散見中滋其化源

東垣則主乎氣謂人身之陽氣以天地之疾風名之中風証非

外來之風此本氣衰也四旬氣衰之後或再傷其氣七情勞役房事飲酒

皆足傷之多有此証壯時無有也肥盛者間亦有之亦形盛氣衰而

然耳 此証非大劑參耆何以挽回若不仆但舌強語蹇痰壅

支體不遂六君子貝加諸汁治之此為氣虛內奪之証蓋虛弱之人多有卒然昏眩而倒者

與下中氣篇氣逆者不同

丹溪則主于痰謂土濕生痰痰鬱成熱極生風

問內風亦有中血脉中府藏之分乎曰病自內發未有不傷其

府藏者由於火盛則火發而血與痰壅矣由於氣虛則氣滯而

血與痰凝矣痰血壅滯食亦不化填塞于府則二便不通阻礙
戕氣則昏迷不醒其重者也輕者中後邪散布經絡而血脉之
行不利固有之矣豈必兼外風乃然哉至於下文所與各症亦
多內傷所致不必兼涉外感也

口噤卽牙關不開也由氣血凝結於牙關筋脉不能活動以蘇
合九或生南星冰片烏梅肉爲末擦牙或以礬金熬蘆末搗鼻
或針人中頰車各四分或白礬半兩鹽花一分細研擦點牙根
下更以綿裹半錢之安牙盡頭 用甘草比中指節截作五截
生油內浸過炭火上炙候油入甘草幹開牙關令咬定甘草如
人行十里許時又換一截後灌藥極效

目眼喎斜胃經細筋爲目下綱膀胱經細筋爲目上綱胆經脉起於目銳眥其筋亦結焉小腸三焦筋脉俱至目銳眥又胃經大腸經脉俱挾唇口左右風寒之邪視諸經筋脉之虛而中之左虛則左受寒筋脉急引而喎斜右虛反此以清陽湯秦艽升麻湯散之內有熱者宜加辛涼患處宜灸目斜灸承泣承泣禁灸再考口喎灸地倉不效更灸人迎頰車若純是內風火邪而喎斜者則爲熱灼筋枯短縮與寒而收引者相反不可灸亦不可用溫散之藥須苦寒降火有用承氣湯見大便不通下之而愈者是也通

用牽正散白附子

辛熱專去頭面之風內人盛者宜加清涼之品

僵蚕全蝎

二味去風破結痰痰

結筋脉門非去瘀筋不舒

等分爲末每二錢酒調服外搗草麻子一兩水片

三分爲膏寒月加乾薑附子各一錢右啗貼左左啗貼右
謂左寒則有熱左熱則右寒此爲內有熱而外感寒者言若止
外寒而內不熱或止內熱而外無寒則左寒者不必右熱左熱
者不必右寒也不大抵純是內風而熱不甚者必無此証熱盛
者乃有之然啗斜不甚以火即暴甚不至遽枯其根也若兼外
感風寒則甚矣以寒熱相激其勢愈暴也純感風寒者亦甚以
寒之收引易也然亦必虛人乃有之
凡遇旋風而啗斜皆皆虛人也
半身不遂經云胃脉沉鼓膺臂外鼓大
外鼓猶云浮而鼓指心脉小堅
即
也急也
也背偏枯男子發全女子發右不瘡舌轉可治
以其病止在血
也蓋胃與脾爲表裏更實更虛
更進也胃陽虛則陰盛而

胃從於脾故胃脉沉鼓濇也濇爲多血少氣

氣少故血雖多胃而不流走也

陽盛則脾陰虛而脾從于胃故胃脉鼓大于臂外也大爲多氣

少血

氣多故血雖少而脉亦大然必大而兼虛

心之元陽不足陰寒乘之故脉小堅

急者者陽不足也堅急者陰寒之邪也心胃脾三等脉凡有其

一卽爲偏枯者何也蓋心之神無處不周者也胃之氣無處不

行者也神行氣流充足盈溢似有於病若神氣受傷則運行不

能周徧而經脉偏枯矣所謂未有不因真氣不周而病者也然

豈特心胃爲然哉五藏六府凡有一不周皆足以致偏枯固可

推耳 丹溪謂左半多屬死血與血虛四物等補血之劑右半

多屬氣虛與痰四君等補氣之劑並加竹瀝薑汁以行痰是大

概如此不可泥 古方順風勺氣散虎骨散虎睡骨酒黃芪酒

可選用 外用蚕沙兩百分三袋蒸熱一袋著患處冷則再換

一袋 羊肚釀粳米葱白薑椒豉等煮爛日食一具十日止

失音不語經謂內奪

精血虧敗亡失如被人奪去者然

而厥

逆而上行名厥則火氣上冲也

則

為瘡痂此腎虛也

腎水虛故火上炎

少陰

腎脉

不至者

不至謂不上通也即腎水不上潤意

厥也腎脉不至于上則不得循喉嚨挾舌本故不能言也地黃

飲子六味八味等

六八味見虛損

主之或用竹瀝荆瀝

去熱各

梨汁

去熱各

生薑汁

去人乳汁二杯

陳醬汁

牛和勻

隔湯頭溫服

舌為心

火盛則心脉乾燥而急故音強而不能言又痰迷心竅則心脉不用故不能言若且神昏不能語也

有痰者滌痰

湯內熱者涼膈散

見發熱

加石膏蒲遠志

以通心

為末煉蜜丸彈

子大朱砂爲衣每服一九薄荷湯化下名轉舌膏或寶鑑訶子

湯

兄

正舌散秩神散外用龜尿點舌神効

置龜新荷葉上猪鬃熬其鼻立出

語流有舌縱舌麻皆以痰火治之烏藥僵蚕胆星芩連枳壳防

風竹瀝薑汁

痰盛者棉絨一筋逆流水五碗煮數滾去橘紅再煮至一碗頓

服曰湯導之

後及飲白湯以手探喉導令吐也

吐痰之聖藥也

中後氣未盡

順痰未盡除當以藿香正氣散和星香散煎服中氣中惡霍亂

尤宜之

中後體虛有痰四君子

見和星香散或六君子

見

養正丹

見

氣墜痰鎮氣氣實者以星香散吞之氣虛者六君子湯

吞之

四支不舉實者脾濕盛令筋脉緩軟宜去濕虛者脾燥

熱壯火食氣無氣以動十全大補湯

見虛損

加減去邪留正

身體疼痛風寒濕三氣留滯經脉故不迪而痛鐵彈九十味判

散內有熱藥無蠲痺湯見

痺

昏冒活命金丹至寶丹至聖保命金丹牛黃清心丸

小便不通三因白散子加木通燈心茅根煎熱盛去附子 潔

古云如自汗津液外亡小便自少不可利之使營衛枯竭無以

制火當退熱止汗小便自利

遺尿濃煎參芪湯少加益智子頻吸之

多食火盛則脾陰虛而燥故能消食當瀉火脾陰復則食減是

其驗也舊謂脾虛則求助於食經云實則夢與虛則夢取即其

義也亦通

食以養血故脾陰虛則思食然食而能消則有火也

中風須分陰陽

氣虛者多寒火

盛者陰中面色青白手足厥冷多汗

風火內生亦有轉為寒症者蓋風火發越汗出過多

陽隨外泄症轉陰寒固有之矣昔人謂中風之痰始為熱痰後為寒痰亦此意也

陽中面赤如醉怒目

上視強直掉眩經云掉眩支痛強直筋縮為厥陰風木之氣木

旺生火風火屬陽多為蕪化皆熱氣也又風能勝濕而為乾燥

風病勢甚因而筋縮強直燥熱之甚也 寶鑑云凡入初覺大

指次指次指麻木不仁或不用者三年內必中風

肺脈終大指大腸脈起食

指金病則皮毛不固易於受風也

宜先服愈風湯天麻九各一料以預防之薛

立齋云預防之理當養氣血節飲食戒七情遠房幃若服前藥

以預防適所以招風取中也 乾坤生意云凡人手足漸覺不

遂麻痺不仁或口眼喎斜

此皆經絡之病易中外風

語言蹇澀或胸膈迷悶

吐痰相續

此痰火之病易中內風

六脉弦滑而無方其去卒厥仆倒亦不

遠矣須防之

有婦人先胸脇脹痛

肝血虛肝火盛而鬱也

後四支不收

血虛不能養筋也

自汗

如雨肝熱津泄

小便自遺

肝熱陰挺疎泄不藏

大便不實

火蒸脾土濕動

口緊目瞤

筋脉

引飲食頗進

藏府未傷

十餘日或以爲中藏立齋曰非也若風中藏

真氣既脫

指汗遺言

惡症既見禍在反掌安能延至十日

中風陡然而發亦無

先見胸脇之証

視其色則青赤

木火之色

診其脉洪數而肝尤甚乃用犀角

散四劑頓愈又用加味逍遙散

見調之

後因鬱怒復作兼發熱

嘔吐月經不止飲食少思乃木尅土脾不攝血也用加味歸脾

佐以逍遙散而愈又有人素無疾苦忽如死人身不動目閉不開口噤不言惡聞人聲狀如胃眩移時方寤此由出汗過多血少陽氣鬱胃於上不行所致移時氣下而寤名曰鬱胃白薇湯

蒼公散

引此二証以爲辨証之法

○中寒

其証卒然仆倒身體強直口噤不語或四支戰掉厥逆身冷無汗醒後惡寒或發熱或不發熱脉沉細弦緊腹痛此與傷寒論寒邪直中三陰經同理但彼不至卒倒之甚耳治之先用酒調蘇合香丸次用五積散加香附一錢麝香少許重則用薑附湯若人漸甦身體回煖稍能言語問其別有何証寒脈遲緊挾氣

帶洪攻刺作痛附子理中湯加木香五分挾風帶浮眩暈加防

風一錢挾濕帶濡腫滿疼痛加白朮一錢筋脉牽急加木瓜一

錢肢節疼痛加桂一錢亦可灸丹田穴以多為妙大抵中在皮

膚則為浮浮腫也中在肉則為苛為重為聚液血液分裂

而痛或痛在四支或痛在胸脇或痛在脛背或痛在小腹引挈

大抵初時周身受寒後則併走一處蓋視其虛而人之也或經絡引注藏府之膜原為心腹

痛或注連於藏府則痛死不知人中于筋骨為筋攣骨痛屈伸

不利中入府藏則死矣治當察微甚甚則附子理中湯無汗加

麻黃細辛嘔吐加丁香吳茱萸陰毒加生川烏脉微欲絕加人

參微則不換金正氣散加附子五積散臍腹痛唇甲青四支

厥附子理中湯薑附湯入肝加木瓜入肺加桑白皮入脾加白
朮入心加茯苓麝香半夏皂角各二錢半為末填臍中生薑
切片蓋之艾灸至手足溫為度或灸丹田穴因房事致手足冷
腹絞痛者亦然凍倒人不得近火近火即逼寒氣入心而死
矣北方之人手足凍僵若湯浴火灸則肢節脫落須緩緩揉之
俟其回煖或反以雪搓之引出寒氣氣舒煖回乃愈即其理也
僵凍成冰堅凝不辨以火遽逼則先融者與未融者解離不接
故脫落也又水流濕火就燥皮膚膏之寒為內陽所拒原欲外出
而苦于無所引以雪揉之則以寒就寒而外附於是內陽得伸而煖回也

○中暑

或名暑濕以與中風相似也

其証卒然悶倒汗多

先出之汗多熱後出之汗多冷

面垢

汗多則面油膩

昏不知人手

足微冷或吐或瀉或喘或滿多於田間路上烈日中得之以來

復丹未同蘇合香丸

見諸中

用湯調灌或單用夾復丹調灌或却

暑散水調灌亦得如倉卒無藥急研蒜水解灌之蓋中暑毒陽

外陰內

陽氣隨汗大泄在內之血液痰食無氣以溫皆變寒凝

故諸暑藥多用熱劑如太

順散之用薑桂枇杷葉散之用丁香是也大蒜辛煖煖取其回

陽辛取其通竅散結

陰寒凝結痰涎阻滯則開竅不通也

又蒜氣臭烈能通諸竅

大概極香極臭之物皆能通竅也候稍甦繼以益元散

見傷暑

氣

實者蒼朮白虎湯氣虛者人參白虎湯

並見發熱

熱死人切勿便與

冷水

恐熱血得冷而凝結也

及臥冷地正如凍死人不得遽近火也故凡

行路暈死者惟得置日中熱地上令人溺熱土取罨其臍或令

近火以熱湯灌之或布蘸熱湯更易熨其心腹臍下

以引熱外出也觀湯

火傷者誤以冷水洗之即激火內攻可見

急以二氣丹湯灌之 一方用不蛀皂角

刮去黑皮燒烟欲盡盆合地上周圍令勿透烟每用皂角灰一

兩甘草末六錢和勻每服一錢溫漿水調下昏迷不醒者不過

兩服蓋中暑人痰塞關竅皂角能疎利去痰也 又有昏迷一

証似中而輕

但昏迷耳未至悶倒

欲睡懶語

暑氣乘心煩悶所致也

壯人香薷飲加

黃連一錢虛人星香散

見中風

加香薷一錢醒後冷汗不止手足

尚逆煩悶多渴者香薷飲若過投冷劑致吐利不止外熱內寒

煩燥多渴

內寒何以渴汗出津竭也

甚欲裸形此陰盛格陽宜溫藥香薷飲

加附子浸冷服渴者縮脾飲加附子亦浸冷服

詳傷暑門

○中濕

得之冒雨卧濕嵐瘴薰蒸外感濕氣

內濕即丹溪所謂濕熱生痰已見中風門積滯

日久關節重痛浮腫喘滿腹脹煩悶卒然昏倒其脉必沉而緩

或沉而細宜除濕湯白朮酒

此必積久乃然然見此者亦鮮矣

有破傷處因澡

浴濕氣從瘡口中入其人昏迷沉重狀似中濕名曰破傷濕白

朮酒

問此証所受濕氣無幾何以致是曰氣血流行不容少有阻滯濕入不論多少但能阻礙正氣則替帶不行由是逆

入攻心則昏迷沉重矣

餘詳傷濕門

○中氣

此為氣逆與中風門東垣所論氣虛卒倒証各別

其証卒然仆倒不省人事平關緊急身支冷

中風則身支溫與此異

無痰

涎即有亦不如中風之多氣滯于內不因七情動氣因怒者尤多

結塞於中上下不通故卒死也其脉沉應氣口中風則脉浮而應人迎與此異

中氣甚類中風以氣藥治風則可以風藥治氣則不可風藥指續命等

言蓋發散之劑也疎其散氣若指清心瀉心等寒劑言則中氣原非火証亦不應用寒涼矣三方並見中風以蘇合

香丸見諸中灌之候甦虛人繼以八味順氣散加香附三五錢壯

人繼以木香調氣散內有痰未除前言無痰非無痰也特不壅出於喉口間耳四七

湯見中星香散見中若其人本虛痰氣結滯關膈不通上下不得

升降或大便虛秘三和丹有不治而氣復自甦者經曰無故

而瘖脉不至者雖不治自已為氣暴逆也氣復自愈

○中食

其証卒倒無知口不能言四支厥逆不能舉狀似中風因飲食過度醉飽之後或感風寒或者氣惱以致氣血鬱滯飲食無以運化填塞胸中陰陽痞隔升降不通若誤作中風中氣而以驅風行氣之藥治之其死可立而待胃氣已受傷不堪再為行散也凡遇此等卒暴之病必須審問曾否醉飽過度有此加以氣口脈緊盛且作食滯治之先煎鹽湯探吐其食挾痰者小蒂散見傷飲食吐之醒後察審如挾有風寒之証以藿香正氣散見中風解之如挾氣滯者以八味順氣散見中風調之若別無他証只用平胃散見傷飲食加白朮半夏薑葉之類調理

中惡附鬼擊尸症

其証卒然仆倒口噤支冷肌膚裏起頭面青黑昏不知人參後

精神不守錯言妄語由冒犯不正之氣弔死問喪人廟登塚多

有此証蘇合香丸見諸中灌之候甦以調氣散和平胃散服各調

氣平胃散平胃散內有蒼朮可以辟邪飛尸鬼擊等邪証附後

此多由精神衰虛遂為邪鬼所擊或附着於體昏昏沉沉妄言

謔語或訐露人事或言未來禍福多中人有起心即能知之登

高涉險如履平地或悲泣呻吟不欲見人此為鬼物所憑者也

舊有五尸之說一曰飛尸發無由漸昏然而至鬼物其人心腹

刺痛氣息喘急脹滿一曰遁尸停遁在人肌肉血脉間觸即發

動証與前同瘥後復發一曰沉尸發時亦心腹絞痛脹滿喘急

雖歇之後猶沉錮在人藏府一日風尸在人四肢循環經絡其
狀冷躍去來沉沉默默不知痛處復風則發一日伏尸隱伏五
藏積年不除未發如無病人發則心腹刺痛脹滿喘急又諸尸
疰乃死尸傳注之氣如傳尸癘蟲之屬流注身體令人寒熱淋
漓腹痛脹滿喘急或礫硯踴起或攣引腰脊或舉身沉重精神
昏謬每節氣改變輒至大惡積年累月漸至頓滯而死死後復
易旁人乃至滅門已上皆用忍冬藤葉剉數斛煮濃汁日三服
瘥 太乙神精丹蘇合香丸最妙 喻嘉言治崇方用犀角羚羊
角龍齒虎威骨鹿角霜牡蠣粉人參黃芪等藥爲末羊肉半
觔煎濃汁調作一次服立效蓋崇附于身與人之神氣交持原

逼處不安但無隙可出故用諸多靈物之遺形引以羊肉之羶俾邪祟轉附骨角移徙大便而出也說甚有理